

43

HARVARD COLLEGE LIBRARY
IN THE
HARVARD YENCHING
INSTITUTE
FEB 7 1930

43

6.05
T Ch L 5235.4462b

文苑英華卷第四百十一 中書制誥三十二

郡牧二

諸州刺史

授竇弘餘加^官依前台州刺史蘇莊除鄧州刺史

等制

杜牧

勅朝散大夫使持節台州諸軍事守台州刺史上柱國竇

弘餘朝議郎前使持節處州諸軍事守處州刺史上柱國

賜緋魚袋蘇莊等南郡盜作而一作蕭育拜河南政美而

寇恂留為人擇官因重而撫集作因撫重之考於兩漢行古道也

弘餘庶使上言父老有請其為政也長育多方惠訓不倦

凡設教令皆有科旨莊任南康悉心為理謹身律下節用

哈佛大學
圖書館
珍藏

愛人南陽古都近者小擾臨海越俗尤惜良吏就加起拜
各叶所宜仕至二千石可庇人矣無異文律不自貴重副
疲羸之望者須念終始坐狂愚之罪者勿理深污各庸寵
祿無忝分寄弘餘可檢校太子右庶子餘如故莊可使持
節鄧州諸軍事守鄧州刺史散官勳賜如故

授李暨絳州刺史魏中庸亳州刺史曹慶威遠營

使等制

前人

勅中散大夫使持節亳州諸軍事守亳州刺史充本州團
練鎮遏使雲騎尉賜紫金魚袋李暨等昔貞觀末遣孫伏
加等二
人各以六條巡察郡縣以能進者止二十八
人獲死者七人流竄黜免僅千百輩以太宗身帶上聖憂

勤之切百執事奉法公謹之心守臣為奸如此之衆况今
黜陟久廢仕進多門緬思疲人每渴良吏牧守之念予常
軫懷暨實文士出典兵郡不薄為吏愛我百姓盜賊奸宄
寢而不作鰥寡孤獨皆有所養中庸再分符竹聞立善政
允為理者皆高仰之今用已効之才各委其理之任簿書
刀筆俗吏云集作事耳慈惠教化君子宜之二者較然尔欲
何取慶乃身帶兩綬兵分禁營得佩牛刀立於交戟歲有
鄉里之譽克肖友悌之風百里長人在王畿內各思答劾
無忝寵榮可依前件

授薛滂登集作鄆州任如愚信州置藏玘印州

史制

勅朝議郎前使持節坊州諸軍事守坊州刺史薛淙等仲
亮對魯哀公曰人道之大莫先為政漢宣帝曰與我共理
者其唯良二千石乎念先師賢帝之言思疲人良吏之選
夙興夜寢不忘於此涼以文科入仕命守邊郡屬當伐叛
兵於其郊處劇不煩事叢皆辦如遇進以門子屢為長吏
其為政化可差古人藏玆與逢閱官簿而頗多言理名而
亦著紹元嘗聞謹慎可宰百里已所不欲勿施於人無忘
格言副我憂寄可依前件

授鄭液除通州刺史李象集作象除陳州刺史等制

勅朝議郎守太原府晉陽縣令上柱國鄭液等今之郡守
為人師帥宣上教化者也以液又在官途宰大邑關其

為理人歌舞之以象執爨前驅予之雄也光祿護塞居延
視胡虜不敢窺士爭為死各委分寄實曰遷昇通州雜以
華夷淮陽兩有兵賦尔其往哉今用誠尔為天子之守臣
作百姓之長吏言於仕進可曰顯榮夫君子之道先有諸
已後求於人苟能律身始可檢下勉詳詔令用謹理行從
規始以門子入進恭謹無尤自州佐而昇在朝班列五尚
以集作而職於三服亦為良遇無忝官常可依前件

授王晏實齊州吳本初巴陳珽集作併渝州刺史

等制

勅正議大夫前使持節淄州諸軍事守淄州刺史上柱國
大原縣開國男食邑三百戶賜紫金魚袋王晏實等侯善

政而後用或惜集作無所聞滯序進之常途則怨生於下

古今政柄患斯二者晏實本初珽等三人入仕年多亦掌

為郡聞無悔咎集作是熟詔條濟南跨河有兵有賦巴渝

夷俗慷慨豪健形於樂曲尔其往哉古人有言曰予苟為

善誰敢不勉身率以正孰敢不正欲謹理行在於庶平弘

宗清慎有餘王屬咸為美秩銖以文學掌佐賢侯作掾京

兆亦曰美仕皆有官業慎無自薄可依前件

授郭瓊渠州郭宗元興州等刺史王雅康建陵墓

令等制 前人

勅大中大夫前使持節文州諸軍事守文州刺史兼侍御

史充本州鎮遏使上柱國郭瓊等潁山順政僻處山谷罕

知文律易為欺奪瓊與宗元守郡幸邑聞無悔吝尔其往

哉仲尼曰正身而人正欲善而人善撫我疲俗宜遵格言

苟或不臧貽尔之感雅康入仕嘗在班列青宮贊導陵邑

守奉若非謹慎不膺斯任可依前件

授吳從蓬州賈師由瓊州蕭蕃羅州刺史等制

前人

勅中散大夫前使持節柳州諸軍事守柳州刺史上柱國

賜紫金魚袋吳從等地遠京邑俗雜蠻夷不知文律易為

欺奪朝廷選置多無名人小則抑鬱不伸大則聚以為寇

蓬緣巴徼其風忿勁瓊處海外在兩漢時往往小反羅居

百越溪洞深阻咨尔三吏比者為郡亦報有功勿以荒服

悔我疲人或異詔條必置厥辟稍當叙進優以上佐苟有聞見無忘裨助可依前件

授李褒刺史等制

錢翊

勅李褒等醫一郡之疾苦旣藉良能理四方之滯寃必資明慎二者生人之本也深詔執事精其選求以尔褒曠海荆或清識雅裁爲時雋才或檢操修身累居繩準所至必留其風範當官克勵於霜標而承休前理蜀川頗聞嘉績是可以分我符竹光于省闈號略巴梁地清俗富刑曹務署務遷望高遠副分憂勉思伏念褒可魏州刺史常曠崖荆並可刑部員外郎承休可果州刺史

授傳德昭羅州刺史裴昶維州刺史趙贄崖州刺

史等制

前人

勅具官傳德昭等建隼在旗盡能當軼以物彰貴出守者兼而得之故用武以來惟功是賞厚爲寵報多在勤勞以德昭淬礪雄銳利若大阿之劍以昶展張勁力強於繁弱之弓以贄馳聘茂駿比於渥洼之馬而皆藏勳有籍秉節無尤旣當行賞之倫宜受分憂之命勉爲善政無病遠人可依前件

授劉玉新州刺史劉潜南五州防遏使高州刺史

制

前人

勅具官劉玉等傳曰夫舉無他唯善所在吾閱二帥臣舉知之狀善則可甄而天下諸侯咸當共獎王室有以忠而

告我我必信而與之以玉勇望明堂用苞武庫訓士則專
於齊一理人必去其
奇嘗蒞南康且留遺愛以潛好謀
不惑任智能通仍懷恤隱之心頗慕狗公之節因以牧養
必致惠利是以復委詔條兼資禦邊或進寵移之秩或臨
舊理之邦以王之勇主於任以潛之智立於事則吾南極
之地又何憂乎黎庶哉可依前件

授成希戴忠州王進誠嚴州刺史等制 前人

勅具官成希戴等沂峽而上踰嶺而出其人多處險而錯
居處險難制錯居難齊非嘗試其才素習其俗未可爲其
理也希戴以敏知變而不矜雄勇之材嘗試於忠人皆便
之統帥上言乃命真守帥長之秩諸侯所榮進誠自戎入
華父虜遐徼之地習南方之俗思還其居勲師舉之刻印
而當吾委寄咸被寵光虜險錯居各懋爲理可依前件

授陵州謝暉兼御史中丞前舒州司馬倪微端州

刺史制

劉崇望

勅某官謝暉等欽惟漢宣帝以英主御無事之朝尚思良
二千石以之共理伊予冲昧適丁艱難每以一麾假人旣
重且慎每聞謝暉以勇誅暴而去害以義利物而移風儻
願得之於一年宜用試之於千里聞尔倪微久從進宦皆
著任能委以方州冀爲良牧吁含哺鼓腹是安人之謀留
續懸魚乃黎已之操惟一二之事皆古之賢刺史所行以
爲尔資度洽予意有以憲承寵官攝之任貂璫遷刺史之

班予於疲黎無所愛惜吁往哉可

授鄭璩等諸州刺史制

薛廷珪

勅具官某等摠六尚於瑤墀分一麾於劍閣時之妙選我
有人焉以肱代濟科名業傳儒素弱齡勤苦壯歲亶迥本
推讓以待時竟漂零而從官凌雲之稱徒見譽於公卿栖
棘之悲且未伸於霄漢以璩聰芳鼎族歷試宦途使星屢
應於旁求卿月再當其茂簡朕方將左蜀坐委信臣言尔
有材可使共理亦聞操剽雅適變通俞其奏章是乃良牧
惟茲殿省及尔郡符勉承刈楚之恩各勵業官之志眷言
郡政在去煩苛俾我遠人再蘇皇化在璩之此行也得
不勉歟可

授李充等諸州刺史制

前人

勅具官聞尔充公相令子敦書業文有德守行科第好爵
公論許尔如拾地芥而孝於事親志在祿養凍書投筆其
從下僚縉紳之倫服尔異行逼之名器其心確然且曰親
念其兄官未達采蘭負米願悅晨昏而允祁節著勤王功
高捍患心如皎日節貫秋霜屢委郡符猶同畫餅忠臣孝
子朕不敢忘勸善獎功於是乎在海隅之郡各徇乃心嘉
我遠人今得良牧勉於從政豈俟訓詞各敬乃官無忝休
命可依

授梁思謙龍州刺史竹文晟成州刺史等制

前人

勅成紀要衝江油輿壤皆爲重地今實優賢擇其守臣必
有所謂以尔具官梁思謙等負通變之材蘊縱橫之術見
可而進頗習於武經聞善若驚暗合於儒者或從奏薦或
恤滯淹戀我者移其一麾致之近地阻兵者換其五馬惠
彼疲人各俾分憂勉思布政清賢繼踵惠化洽聞苟奉成
規是爲良牧惠茲憚獨往歌袴襦文晟思謙服我明訓無
忘勤恪戒於煩苛黜陟幽明典憲斯在五兵五教仍以假
之可

授朱謙等諸州刺史

前人

勅朱謙等以謙一心許國四面受敵忠勇旣完心城甚固
而陽言從征戍亟効勤勞淹留屢變於瓜時辛苦未歸於
沒上惟銚言罷百里承之一麾亦聞政聲可使共理朕每
思達聰明日以臨御寰瀛伏予有土之臣爲我求人之瘼
樂得良牧惠茲遐方並俞奏章各委頒瑞惟尔謙等欽予
訓詞罔難憚勞用冒貨賄務遵典憲阜安遠人天聽甚卑
愆則有辟可

授翟州刺史張績等加官制

前人

勅鄜之連帥以金紫光祿大夫前新州刺史張績闔之守
臣以銀青光祿大夫前新州刺史虞戀來告我且言績等
求瘼分憂居其所部訓戎蒞俗政有可觀欲人聳求理之
心請我行陟明之典茲爲急務聞斯行諸邦教夏鄉國之
崇秩爰詔執事分而授之咨尔二臣膺我並命脩名責實

得不勉之可

授王宗夔宗翰邛漢二州張無息蜀州刺史等制

前人

勅廣漢上腹臨邛古郡眷求牧守允屬忠勞具官王宗夔等或鸚立轅門或鷹揚玉帳負偃革銷金之術蘊經文緯武之機贊我蓋臣鎮于全蜀旣練軍誌仍通政經干將溢匣而有聲騏驎追風而絕跡今俾尔分吾憂寄養我黔黎尔宜拔薤推心掛魚絜已勿爲重斂戒在虔刑務復憲章無取禍亂允邾奚之內舉撫文翁之舊封敬服訓詞勤恤人隱而無息亦佩專城之印徃俞連帥之求無忘酌泉勉務爲政黜陟之典朕不敢私惟尔三臣礪乃一志與我共理期乎有聞敬之戒之自求多福可

授尚汝貞涪州刺史朱塘恩州刺史婺州刺史

瓌檢校僕射等

李璣

勅朕思報功臣以郡事念遠人以司牧惟是二者寤寐疚懷具官尚汝貞在先皇帝時扈鸞駕功高建隼旌布政非時見代可爲愍然其官朱塘將兵之材號爲嚴肅勞績聲著罷免歲深惟涪與恩遠郡之沃旣者也資人以優爾亦資尔以救人且以玄武之尊夏官之長各從官叙以寵崇之具官蔣瓌婺人言有政化懇乞增秩端右之命以徇其請各堅尔志無或變渝可依前件

授康君立等諸州刺史制

前人

勅康君立等夫文吏以儒術自進而牧人養物固其所也
而論者猶或嘉之而尔等各以雷功達於郡政可謂難矣
然武有七德而安人和衆在焉得以非皆達其義耶深惟勸
能之方遂允爲真之請可依前件
授朱誕等諸州刺史制
勅朱誕等並干鎔奇鋒崆峒勁氣或忠臣薦達播於文武
之間或軍功著明迥出輩流之右升遷委任無所偏頗各
竭尔才以稱吾意可依前件

文苑英華卷第四百一十二

中書制誥三十一

幕府一

副使

授王忠嗣同隴右節度副使制 孫逖

門下隴右破吐蕃跳盪功專知節度行軍兵馬使游擊將
軍守右威衛翊府左中郎將賜紫金魚袋王忠嗣出自將
門習於軍政智謀足用材藝超倫頃在河隴備彰誠節持
兵所向料敵無遺挫其侵軼之師收其要害之地念功斯
在議賞攸歸宜復舊官置同正員乃同隴右節度副使依
前專知兵馬先有勲封並宜如故

授馬元慶河西節度副使制

前人

勅雲麾將軍右驍衛將軍員外置同正員幽州節度副使
上柱國馬元慶名重武臣才優將畧有剛勇以制敵能
幹而成務河湟作鎮戎狄是虞既資攻守之術宜佐軍州
之任可充河西節度副使判涼州長史兼赤水軍副使仍
都知兵馬使餘如故

授李正己青州刺史制

常衮

勅平盧淄青節度都知兵馬使權知節度副使事開府儀
同三司試太常卿兼御史中丞上柱國趙郡開國公李正
己蘊經遠之方有盡忠之節雅擅韜畧充通政理任兼文
武誠貫等夷海岱之間兵車所會嘉績明著惟淄其久實
藉循良符節之寄允茲僉屬必能敬事愛人以康流弊宜
得寵授用副分憂可便持節青州諸軍準兼青州刺史
並如故

授論惟清朔方節度副使制

前人

勅銀夏綏麟等四州兵馬使同朔方節度副使開府儀同
三司前行銀州刺史兼御史中丞歸德州都督武威郡王
論惟清智謀沉果政理甄詳資忠之誠表於奉上幹事之
用聞於在公佐戎律以成師布藩條而訓俗翟土開闢
陰底寧威懷相濟聲實惟允晉之北鄙地即濕川介于河
汾當此會要憂分式遏實藉良能宜兼中憲之榮式寵外
臺之寄可使持節隰州刺史兼御史中丞歸德州都督克
本州團練守促使同朔方節度副使散官封如故

授王智興檢校右散騎常侍兼御史大夫克武寧
軍節度副使領本道兵馬赴行營制 白居易

勅沂州刺史御史中丞

集禧大夫

王智興李愿李愬之鎮武寧

也汝為裨將勵節忘身濟成大功汝實有力獎其成效擢
授郡符海沂之間尤著聲績宜加新命以寵舊勞仍提統
師往副戎律夫將之撫衆如子弟則衆之視將如父兄苟
推赤心而無疑必蹈白刃而不悔勉親士卒竹剪寇戎可
依前件

授薛廷範淮南使制

崔蝦

勅考功郎中薛廷範等吾命重臣往鎮淮海其所選署賓
僚得以參用朝列伊爾廷範為時所聞可昇天子之堂果
入賢侯之幕周旋不忘於中道出處必踐其正途輟茲
績之能俾倅戎旃之盛爾能以事君之道以奉帥則無往
而不適矣惟汝與球皆鄆之舊僚也能以通方佐成後績
至今庸蜀人多懷之至於參佐計司主領院務統兩地之
推筦專五銖之鎔造各從其請以展良能勉副已知用光
所舉可依前件

授盧戡桂州副使制

前人

勅前江陵縣令盧戡等藩方之命案察雖得以上朝廷亦
擇其可者而授之至於臬副車首賓席自非賢才孰允佳
選戡尚義有聞積學多識去於榮進樂在閑放以是為請
宜乎得人由山立而下或以更能發為官業或以詞藻蔚

彼雋髦各從所適之宜以廣用一作用人之路銀章赤紱
耀彼華筵可依前件

授鄭齊之靈武副使制

朕以靈武重鎮控制西戎故選於和以油節思得幹
用以佐參畫如聞齊之自得科名昔心政術奉沙漠之使
佐推筦之司口不告勞人稱奉職其與思護臨泊思退皆
鑽研文學承襲軒裳暢彼聲光端其操履是可以佐鑄俎
於台席奉指教於才臣而八達九衝曉巡夜警亦執金吾
之重務也咸允章奏無忝所從可

授公興鎮州副使等制

前人

勅大慶將構必藉良材雲幕既開是資髦士况易水居
山之北容川當柱嶺之南惟是徐方俱為重寄允所選用
誠肯得人爾等或以文學進身或以簪纓襲慶勉思公舉
無忝嘉招至於佐戎幕而靜轄門輯政刑而撫凋瘵亦副
車之任也正即命服吾豈恡焉可

判官

授王師魯等嶺南判官制

元禎

勅王師魯等古稱南海為難理蓋蠻蜒獠俚之雜俗有殊
璣璫瑁之奇貨為吏者不能累身無以格物是以非吳處
默之清德不可以耀遠人非孫子荆之長才不可以參審
畫爾等皆當茂選取重元戎更職命官各如來奏可依前
件

授鄭仁弼諸侯辟王書實有之近制二千石已上乘輅車

者則開幕選才由古道也仁弼等有勞參畫重胤以聞威
等著稱詞華翻亦致請臺省茂膺妻命式示恩榮無忘切
磨用副匡益可依前件

授王陟監察御史克西川節度判官制 前人

勅王陟等列諸侯之賓者遷次淹速得與上臺比倫其或
饋餉務繁參畫禮重亦得輟自他職副其所求爾等或以
政聞或以藝舉守臣上請信不予欺各竭乃誠以修厥績
可依前件

授崔莪檢校都官員外郎兼侍御史克河東判官

勅崔莪等自元和已集作以來有大勲烈於天下先皇資予

以保衡者時惟司空度度亦齊慄祗畏不自滿大慎簡其
屬毗于厥政惟莪及銖或在茲選是用輟我紀察副其勤
求惟爾敬玄舊由蕃服効誠于長議以序遷峩峩鐵冠晶
晶銀印授之以徃其樂所從可依前件

授盧崑監察裏行宣州判官制 前人

勅盧崑等宣城重地較緡之數歲不下百餘萬管幹劇職
靈鹽近戎分務簡審不易宜稱爾等研究儒術脩明政經
勉慎所從以承其長可依前件

授張洪相里友畧山南東道判官制 白居易

勅朝議郎行太常博士上柱國張洪前羸莫等州都團練

文苑英華 卷一百一十五
判官朝議郎兼侍御史內供奉上柱國賜緋魚袋相里友
夏等元翼以大節大忠焯聞朝野授鉞開府殿我漢南而
又求賢乞能以自參貳則其賓案宜有以稱之故吾求俊
造之英勳烈之胄達朝議而練戎事者與焉今以洪之知
國禮奉家聲以友畧之富藝文飽軍旅兩中是選合而合
之優秩寵章無所愛惜時無今古代有忠賢苟致吾元翼
於羊杜間則有陟明之典在洪可檢校尚書職方員外郎
兼侍御史充山南東道節度判官仍賜緋魚袋散官勳如
故友畧可檢校尚書屯田員外郎兼侍御史充山南東道
觀察判官勳如故

授溫堯卿等賜緋充滄景江陵判官制 前人

勅溫堯卿等今之俊乂先辟於征鎮次升於朝廷故幕府
之選下臺閣一等異日入而爲大夫公卿者十八九焉荆
門景城南北大府而堯卿等或已參軍要或方受徵書各
命以官分試其事名秩章綬分而龍之夫千里之行始於
足下苟自強不息亦何遠而不屆哉可依前件餘如故

授王師閔檢校水部員外郎充徐泗濠等州觀察

判官制

前人

勅前徐泗濠等州觀察支使朝議郎殿中侍御史內供奉
上騎都尉賜緋魚袋王師閔朕以師律授智興智興以軍
書辟閔才旣爲知己用官不候滿歲遷所以使能而責
理也然則替廉察安戎旅旣命之後吾有望於爾焉勉副

所從佇展來効可檢校尚書水部員外郎兼殿中侍御史
文徐泗濠等州觀察判官散官勳賜如故

授路貫等桂州判官制

前人

勅藩隅之重委以侯伯軍府之要掌在賓僚貫等以文行
修身以智謀從事佐廢問澄清之務撫華夷錯雜之人俾
其义安實在參贊宜及寵命以光所從可依前件

授裴敞昭義軍判官裴侔義成軍判官各轉官制

前人

勅裴敞等昭義義成令之重鎮實藉賓介以參謀猷而二
帥皆勤於奉公精於辟士度才而授職循序而請官頗合
所宜咸可其奏可依前件

記室

授崔鄘等澤潞支使書記制

元禎

勅崔鄘鄭翱等近制藩府臣僚自軍司馬以下皆得遷任
其良執事者所移異職而鄘等事懇以狀聞各以秩遷毗
于新邑勉爾誠志俾無尤違鄘可監察裏行文澤潞等州
觀察支使翱可協律即文昭義軍書記

授姚元康等官文推官掌書記制 白居易

勅朝散郎行秘書省校書郎姚元康儒林郎誠太常寺協
律郎鄭懿等益部洋陽皆大征鎮也文昌金畧皆賢將相
也而能以禮聘士以職任才多聞得人咸樂爲用况爾等
籌謀文藻各負所長苟能贊察庶掌奏記孜孜不怠翩翩

有聲慰薦褒昇其則不遠元康可試右武衛倉曹參軍充
劍南西川節度推官散官如故懿可試左金吾衛兵曹參
軍充橫海軍節度掌書記餘如故

授保大軍節度掌書記檢校右散騎常侍房仁寶

檢校禮部尚書充職制

錢珣

勅具官房仁寶等國朝作相之重在明皇帝時以偉德景
躅布於史策者有吾大尉焉爾仁寶裔孫始以文進不得
其志無所成名今用牋奏符檄之才職居藩服乘傳而至
善達戎機思賢之心欲招後嗣春官假秩儒者斯榮且激
爾曹勉佐元帥可依前件

授朔方軍節度掌書記檢校刑部員外郎兼侍御

史李東序檢校司勳郎中兼中丞充職制

前人

勅具官李東序九諸鎮陪臣至自其幕府者或計事言功
或舉職請命未嘗不召之便殿假以寬言且使鋪陳皆見
臧否爾能用儒術佐吾列藩敷揚可取於詳明條貫必由
於忠信嘉善之道增秩所宜乘寵而還未觀爾類可依前
件

授鳳翔節度掌書記范惟乂左拾遺賜緋充職制

前人

勅具官范惟乂等軍興以來四方之政益煩矣而負才抱
術之士參于武幄者吾嘗授之好爵用表嘉賓復勉其左

右聽從始終同獎爾負才甚直抱術且深自有忠謀共贊
戎畧故加寵於綏冕之上報勞於師旅之間爾其計事出
言必公必信更圖保大無或告勞可依前件

支使

授裴詒監察御史裏行桂管支使等制 杜牧

勅前鄆曹濮等州觀察支使朝散郎試大理評事裴貽等
守臣有司上請諸士皆曰詒等士族之中有政事科名清
廉公謹嘗經職守衆稱有才古人於一飯之恩尚有殺身
以報之者况於知己得不勉之可依前件

推巡

授王搏檢校殿中侍御史充義成軍節度推官制

劉崇望

勅王搏名以文舉祥以履光敬於交人善爲知己缺鉞關
幕台鉞奉藩方虛婉婉之籌乃顧翹翹之乘能不輟我周
衮之任樂爾漢相之徒建禮部郎官惠文御史敬恩寵數
勉罄嘉猷可依前件

授柳傑等四人官充鄭滑節度推巡制 白居易

勅試太子司議郎柳傑等古者公府得自選吏屬今仍古
制亦命領征鎮者必先慎東

集作禮聘

而後升聞矧鄭滑帥承

元輸忠伏順炳焉有大節於國奉其上蒞其下實藉寮案
以左右之而傑等或緣飾詞華或貯畜材行揣摩思試以
待已知宜振籌謀用光慰薦傑等可某官充鄭滑節度推

官等

以古古之而於等廷... 子解忠大郎... 歸亦命... 陳結太子... 對味... 交之... 幕台... 陸王... 陸崇聖

文苑英華卷第四百一十三

中書制誥三十四

幕府二

幕府共制

授韋審規西川節度副使御史中丞李虞仲崔戎姚向温會等並西川判官皆賜緋各檢校省官兼

御史制

勅西川一有南字曰益部地有險府有兵礙戎屏華號為難理

故吾命文昌為帥長俾鎮撫焉次命審規為上介俾左右

焉又命虞仲戎向會等為庶僚俾咨度焉進言者謂文昌

賢而審規輩以才佐賢蜀必理矣夫輟三署吏贊丞相府

假憲官職加臺郎暨一命再命之服以遣之其於張大光

文苑英華卷第四百一十三

陸賜

榮四方征鎮之賓寮不侔矣爾等苟佐吾丞相以善政聞使吾無一方之憂吾寧久遺汝於諸侯乎爾其勉之可依前件

授李彤檢校工部郎中充鄭滑節度副使王源中檢校刑部員外郎充觀察判官各兼侍御史賜緋紫制

勅萬年縣令李彤侍御史王源中等舜以五長綬四國若今之節制也周以十聯率諸侯若今之廉察也國家合爲一柄付有功諸侯故其陪臣選任益重或輟朝藉授簡書者往往而有况承元有大忠於國受重任于外使其承蒞下敬始善終實在庶寮叶力以濟今之以彤宰京邑有

理劇之用如水在器撓之不濁以源中立憲府有糾正之能如刀發研割之無滯一可以倅戎事一可以佐輶車二職交脩在此一舉臺郎憲吏金印銀章加乎爾身無忝我命可依前件

授楊景復檢校膳部員外郎鄆州觀察判官李綬監察御史天平軍判官盧載協律郎天平軍巡官獨孤涇監察御史壽州團練副使馬植試校書郎涇原掌書記程昔範試正字涇原判官等制

前人

勅具官楊景復等士君子不患無位患已不立苟有所立人必知之惟爾等六人蘊才業文咸士之秀者果爲賢侯

交辟俾朕得聞其姓名是用各進其秩分授以職若脩飾
不已籌謀有聞則鴻漸之資當從此始而景復稟訓祇命
頗著令稱故因滿歲特假臺郎古者公臣之良入補王闕
朝獎非遠爾其勉之可依前件

授李石楊穀集作穀張殷衡等官並充涇原判官

制 前件 前入 平軍

勅李石等用武之地曰涇與原合為一鎮控扼夷虜朕授
布鉞責其成功布卽集作乃 祇惕受命思有以自輔者因上
言石穀殷衡等學業才識堪置幄中分務列官咸可其請
而布憂邊甚切選士必精爾宜各竭所能為知己用可休

前件

授京兆府司錄參軍孫簡可檢校禮部員外郎荆

南節度判官浙東判官試大理評事韓似同二字集作

似下同 可殿中侍御史巡官試正字晁朴一作可試

協律郎推官制 前入

勅具官孫簡等凡使府之制量職之輕重以命官揆時之
遠近以進秩俾等衰有常序遷次有常程則勞逸均而各
分定矣簡自登憲司佐相幕既糾天府皆有可稱而似同
等亦以文學發身謀畫効用荆楊淝左實藉賓寮况今之
公卿大夫皆由此途出慎職祇事爾無自輕可依前件
授李承慶鳳翔節度副使馮軒義成軍推官制

杜牧

勅朝議郎前守太常丞上柱國李承慶等以文學升名於
有司以才能入仕於官次諸侯辟之以佐於賓席天子用
之以升於朝廷次第等級大小高下亦與古之鄉舉里選
考功試言無以異也爾等皆吾卿大夫之令子弟也清風
素範克肖家聲屬詞形章能取科第既爲知己皆爲才人
賢觀與遊達視所舉今爾賓主兩皆得之義則進否則退
無爲美疹疑作疾以求苟容可依前件

授白從道東渭橋巡官陶祥福建支使劉蛻壽州
巡官等制
前人

勅度支東渭橋給納使巡官將仕郎試大理評事兼監察
御史白從道等朕以國計出入委於表臣尚書郎當戰伐
之餘財穀殫糜斷長補短以無爲有今者上言三吏皆曰
周才校其智能足應事役洎守臣貽孫等亦曰祥蛻文學
溫慎可在賓階才者得失之端士者功名之本勉於自勵
無負知己可依前件

授盧藉河東副使李推賢殿中丞高湜湖南推官
薛廷傑桂管支使制
前人

勅河東節度副使朝散大夫檢校大理少卿攝御史中丞
上柱國盧藉等夫諸侯之任重矣其行道也得以阜俗變
俗其行法也得以刑人賞人若張政化得以助業一作宜得所助
某等上言咸舉可用藉等或負才氣倜儻不群或以文章
策名俊秀或有幹局可佐囹圄皆徇所請予安能知并州

追胡王業茲始艱難已來何戰不會長沙始安頗聞旱耗
各宜良士以佐督侯夫直道枉道無他故也取容盡節而
已勿慮後患宜竭報知洎殿省佐僚縣道爲郡豈曰虛授
亦當爾才正霜臺之高各班芸閣之初命各服寵祿勉於
自強可依前件

授鄭竭江西判官李仁範東川推官裴慶

集作慶下同

餘山南東道推官處士陳威西川安撫巡官等制

前人

勅制江西道都團練判官將仕郎監察御史裏行鄭竭李
仁範暨慶餘等咸以文行策名清時諸侯知之命爲幕吏
少微四星處士毗輔之宿也天之布列在軒轅前此乃天
意親近賢良先於妃后威者吾能言之耕延陵之臯荷石
門之蓀沉如魚頰集作贊冥若鴻翔非吾賢相爾肯起勉酬
知己以壯在野並可依前件

授石賀義武軍書記崔涓東川推官等制

前人

勅朝議郎行秘書省著作佐郎石賀等朕寄諸侯之事重
矣大者教化風俗小者惠養黎庶環千里之疆縮三軍之
衆講求倚用不五六人守臣公度仲郢所請賀等各以文
學決科愷悌干祿觀其稷舉皆是一作有才名能報所知能
用可用在爾賓主予不與焉暨鑲與鈞亦稱智敏神州作
掾五庫掌財足展幹能無惰官守可依前件

授實回鳳翔節度副使崔澄觀察判官韓渥節度
掌書記等制

錢翊

勅具官崔澄等漢詔子弟理郡國必擇諸儒有材行者以
左右之故韓安國王尊之徒皆能守法相導炯然可觀而
顯位高名終亦自得今朕以沂岐奧壤而輔京師推擇統
臨重在藩邸用乃命丞相選賓介於朝而回以術業克官
丞相先緒澄以禮義端已實稟天成渥致用於文甚多強
力舉是三美濟于一方苟務同心必聞善政吾欲保任親
戚表率諸侯往贊理聲日當傾聽爾等亮直勤敬如在諫
省郎署時則安國王尊之賢與古相望遷秩命服誠未足
多可依前件

授保大軍節度判官鄭晦朝散大夫檢校工部尚
書觀察支使劉源長檢校刑部郎中節度推官張
道樞檢校詞部郎中觀察推官韓伎檢校工部員
外郎招討推官尚頌檢校水部員外郎並充職等

制

前人

勅具官鄭晦等吾廊時帥臣盛有忠力於王室其所以輔
成勲烈者蓋俎豆之設召置得人言善必行計奇必用而
爾等克荷代祿載揚家聲或端敏有爲學術自飾尊獎之
志斯不忘於善言奇計之聞信有輔成之道爾故八座諸
郎銀章朱紱加於幕府遂被薦聞更推共濟之誠茲亦未
多之寵可依前件

授同州防禦判官崔洎充節度判官長春宮巡官
郭璘充掌書記防禦推官王丞雍充節推等制

前人

勅具官崔洎等朕以左輔雄近復加節制之權而帥臣舉
彼賓寮分其授任且聞洎等各抱美材見善必遷存誠甚
直每竭用長之智以匡保大之謀即署金章吾又何愛噫
論兵有略為政有經參佐不渝寵光自至可依前件

授前河中府少尹張處休加檢校郎中靜海軍節
度副使沈琮檢校員外郎充職裴綽澠池縣令蔣

粉臨留縣令等制

前人

勅具官張處休等夫以忠謀直道佐諸侯之善以入一方
而致其誠節卒歸王室者則陪臣得其職矣於慎欲勸
便百姓之欲而利一邑則令長得其官矣爾等博達吏道
善事知己而處休以文學自進扮於勲緒有承閱拔嘉杼
遂可其奏皆用訓汝爾其圖之可依前件

授攝淮南觀察支使田光嗣檢校郎中充職李潛
嶺南西道觀察支使長盧縣令房殷兼侍御史等

制

前人

勅具官田光嗣等從事之任卒以策一作謀文翰往參諸

政能則政舉否則政墮故有條舒繫乎能否安得以一談

一笑媚於所從維揚控淮海之會邕南雜夷僚之居各引

良材往佐其理而光嗣潛殷之善必有以稱其授聘者咸

來被寵無忝爾知可依前件

授張道蔚朔方節度供軍判官隴州防禦推官李

融弘文館校書郎充職等制 劉崇望

勅張道蔚等糧餉其軍防虞所理况自邊徼必資強能是命擢以校文寵茲佐略宜思績効無忝從戎可依前件

高銳奏從事陳瓌等三人授官制 前人

勅高銳等既以勤心定賓主之分宜頒嘉命為官屬之榮同叅執法之司勉副知人之地期將盡力共贊成功依前件

加外藩佐僚郎等將制 前人

勅具官某等或游微罷居堙鬱彈冠之望或指揮効用周

旋免冑之行幹以奉公恭而事上允當選舊亦既賞勞禁

旃親營實在將軍之令雄藩武帳宜增列校之威各命寵

遷勉成茂績驟升郎佐無忝官榮可依前件

幕職趙儒等加官制 薛廷珪

勅具官趙儒等或以言罷兼官或以來陳厥貢俱懷吏幹

思振宦途即俞所陳各徇其請珥貂佐郡咸謂殊恩宜思

舊章往佩殊寵可依前件

授温潞湖州防禦判官李壇湖州防禦推官 一作官

霍銖絳州翼城尉等制 前人

勅具官温潞等以潞常佐元戎有聞東魯會計叅畫聲猷

藹然以壇宗室菁英詞場秀造撫青雲而抗足丁艱運以

隱鱗跡滯江湖價高甲乙方從梗泛言奉弓招贊我勲賢
開其淹恤而銖亦以將命頗謂有勞俞其奏章各俾序進
星郎侍史洎尉千縣屬者服我恩命各宜勉之可依前件
授澧郎團練副使徐罕檢校郎中賜紫奚承弼鄆
曹判官制
前人

勅具官徐罕等通材應聘利刃從軍贊畫允臧吐茹得所
伸於知己達我聽聞今朗陵汶陽方纏兵革式佇和寧之
報尤資樽俎之謀星郎柱史洎紫金之命則其俞奏薦各
懋寵光勉酬所知共偃兵革無屈於蚤暮也可依前件

授攝澤潞副使詹承虞檢校尚書充職嶺南東道
供軍判官李谷檢校郎中嶺南東道節度判官鄭
商郎中賜緋制
李磳

勅詹承虞等上黨南越俱名鎮也倅戎餽運皆重職也以
承虞等並以才業達於帥臣正位加官各從所請可依前
件

授楊詔嶺南東道節度供軍判官張薦節度判官
楊郃支使制
前人

勅楊詔等幕吏之選委之將帥尚矣况元勲大臣而付以
嶺表之重者哉詔等或以本官任職或加繡衣白筆之號
皆從其請噫以南越之雄富類東閣疑之招延爾豈直陟
金階一作躡珠履而已勉贊策畫無惑盃觴報恩酬知於
是乎在可依前件

朝散大夫守涼州都督府長史勳如故主者施行

授艾敬直仙州長史制

蘇頌

勅朝議郎守豫州司上柱國艾敬直恪勤官次精練文法往持憲簡共憚清嚴頃擁使車旌別淑慝好龍遺迹乘息舊壤俾州閭之創建佇邦國之誠謠可守仙州長史散官勳並如故

授盧朔萊州長史等制

孫逖

門下朝散大夫行太原府太谷縣令容一作任城縣開國子盧朔朝請大夫行太原府榆次縣令薛重輝等咸以班列遷于令長雖恭所職或異其能工則度材人無求備宜從近邑俾佐遠藩朔可行萊州長史重輝可行括州長史

官如故主者施行

授楊行審靈州長史制

前人

門下朝散大夫守涼州都督府司馬河西轉運判官柱國楊行審雅推幹術兼有權謀頃在武威克脩官政類能而舉宜增郡佐之秩從帥而遷仍統軍城之務可守靈州都督府長史仍充六城水運使散官勳如故

授楊戩華州長史制

前人

門下岐州司馬楊戩脩身自久從政亦淹凡所効官皆聞著稱三輔之郡貳職為難宜易務於沂岐俾遷榮於河華可華州長史散官如故

授韋景遠犍為郡長史等制

前人

門下益州蜀縣令韋景遠鄆縣令韋履言等各因常調俱
在親人雖清白自持而方圓未適使者所奏應非百里之
才官政式殊俾佐六條之職景遠可行捷為郡長史履言
可行仁壽郡長史

授楊進亳州長史制

元禎

勅楊進頃者師道潛遣兇徒將焚京洛姦謀指日忠告先
期俾無頽尾之災實賴赤心之効雖居禁衛未免食貧言
念前勞宜沾厚秩式佐郡府仍壯軍容尚旌撲滅之功以
示優崇之賞可守亳州長史仍令宣武軍節度收隨要中
驅使

授盧捷深州長史制

勅前成德軍節度巡官盧捷朕以鎮冀數州之地則賞廢
置盡委之於弘正度爾才能宜為長佐且願兼榮允台臣
是用兩可饒陽大邑無陋厥官可依前件

授董昌齡許州長史制

白居易

勅將仕郎權知泗州長史兼殿中侍御史賜緋魚袋董昌
齡頃為邑宰今贊郡符皆聞約已之名每展在公之節稽
其器局允謂廉明議以稍遷用彰勤効可守許州長史兼
侍御史散官如故

授楊孝直滑州長史制

前人

勅楊孝直早以材力從戎其方專習武經通知吏事承元
移鎮孝直實來詢謀驅馳有所裨助軍郡之佐寵秩非輕

用答忠勞以明勸獎可滑州長史

授嘉泰延州長史制

前人

勅前丹州司馬張嘉泰一從戎旅多歷歲時奉職有勞率身無過軍郡長佐資秩不卑自丹轉延頗為優豫題輿便道往守乃官可延州長史

授柳師玄衢州長史國從瑜刑州司馬制

杜牧

勅夏州節度押衙知進奏朝議郎前權知杭州長史并監察御史上柱國柳師玄等將軍護塞師玄主留邸之職從瑜繼怱以墨纒狗公喪葬告滿珪專書府叢委之務咸有勞能遷獎正名亦其常也各宜專勤勿罹悔尤可前件

授賴師貞懷州長史周少鄴虢州司馬王桂直進

州長史等制

前人

勅鳳翔府節度押衙知進奏銀青光祿大夫檢校秘書監前兼亳州長史殿中侍御史上柱國賴師貞等師貞主太藩留邸之事少鄴專史閣錯雜之務皆公謹歲久官次當遷玄爽俾佐郡符亦有可取湖外饑人相聚為寇蕩覆鄉縣勢如燎火蓋不得已遂至剪伐桂直用命一舉滅之言念功勳宜有褒賞名郡上佐帖以憲秩耀爾軍旅可增義勇可依前件

授田密相州長史等制

崔嘏

勅田密等並以才識聞於所知主帥上言計司有請各從

所便分以命之仍假憲官式彰優寵

授楊知權袁州司馬陳錫温州長史楊澄端州司

馬等制 錢珣

勅具官某等凡臨戎有勇知其能為將成務有材知其能為吏然則有勇有材者置之不遷使其興旅食之歎非所以激為將勸為吏也各命敘升無忽吾典可依前件

授侯蘊贊善大夫李仁誨棣州長史蘇汾坊州長

史制 劉崇望

勅某官某等或以忠勤彰於侯正或以奏獻著彼勞能况侯蘊李仁誨親奉禁營始陪輦路不有遷命將何勸人可依前件

授鄜州判官王堅檢校兵部尚書王彥懷程州長

史程佩恩州司馬制 薛廷珪

勅廼眷雕陰仍歲征討厥土既堵薄工也秦昔切其人用勞誠節

是圖貢輸無怠而堅等能奉帥來為使臣不有超昇孰旌

優異丘重秩式耀賓階下與夫進典午丞郡之榮者皆

拔茅連茹之謂也可依前件

別駕

授李守一別駕等制 蘇頲

黃門皇三從兄前洛州司馬守一等自登官序並穆政聲

趙際燕陲漳濱淇上控河朔之風土盡山東之郡國宜膺

別乘往佐專城可依前件主者施行

授韋抱貞虢州別駕制

前人

黃門通議大夫前行劍王府參議參軍事上柱國韋抱貞
早以才地久登班序清
於背淮俾鷺緹軒往之於封
可依虢州別駕散官勳如
故主者施行

授韋表玘泗州別駕制

前人

黃門朝議大夫前行襄州司馬員外置同正員韋表玘風
韻融朗文詞富贍故得朝列
籍美於珠臯泗達于河爰馳
於磬水可守泗州別駕散
官如故主者施行

授張景順原州都督府別駕制

前人

黃門朝議郎殿中尚乘奉御兼隴右南牧使張景順襟
後獎識具甄明代嗣僕臣家傳
養曾靡於缺銜惟在垆之可稱
彼量谷之伊佇既叶抽獎
仍循職事可守原州都督府
別駕餘如故主者施行

授李踐由安州別駕坐可制

孫述

門下朝議大夫前使持節房州諸軍事守房州刺史上輕
車都尉李踐由朝議大夫行
州司馬護軍李惟可等出
自士林頻遷官序或方圖
法宜迴避俾從新命用
駕散官如故惟可可守安州都督府別

授李裕鄧州別駕制

前人

門下正議大夫前使持節滑州刺史上柱國管山縣開
國子李裕朝議大夫前使持節泗州刺史上柱國開國男
魏滉等咸資舊德早踐通珣頃坐微瑕因從免職賢哲之
後可以勸能邦國之功期於補過裕可行鄆州別駕滉可
守德州別駕勲封如故

授蕭誠弘農郡別駕制

前人

勅朝請大夫南陽郡長史員外置同正員上柱國蕭誠早
因才藝久踐策班頃涉微瑕未為深累佐郡之職冗員頗
多既有命於省官俾稍遷於近服可守弘農郡別駕散官
如故

授張正度汾州別駕等制

杜牧

勅中散大夫前守青州別駕上柱國張正度等各以才能
入仕謹慎脩身積日累時咸有知己或有序進或徇所請
皆佐別郡無怠官常可依前件

授王叔政洪州別駕制

崔嘏

勅前綿州刺史王叔政等罷專城之印題別駕之榮休摧
虜之策遷語掾之任此朝廷所以舉才而振滯也政緣吏
昇珩以文進分符得理人之術佐賦有羨入之績隨薦實
來有司上奏爰因所舉各類所能厚祿高名無忘効用可
依前件

授魏州別駕張景裕等四人正授制 錢珣

勅具官某等任人其難古有試可之說爾等為吏嘗試於

魏中矣今藩臣信正其秩是必有試可之材皆命與之亦惟常典可依前件

授虞岫常州別駕溫羅濠州長司更制、李璣

勅虞岫等凡別駕長史務簡俸優故在京百司諸侯留邸所以勸勤事之吏邸疑奉職之勞今以命爾等即循例也可依前件

司馬

授杜從則雍州司馬制

贊臺中大夫檢校尚方少監杜從則體業端固器識通敏驅策自久績効有聞作貳神州寔資幹用兼司劇署載行公勤宜踐新榮仍兼舊職可雍州司馬兼知尚方少監事

主者施行

授吉義福等荊州都督府司馬制 前人

鸞臺檢校河源軍營田游擊將軍守左衛杜陽府左果毅都尉員外置上柱國吉義福等勤績兵欄効申田祖五戎既戢萬庾斯殷宜輟掌於連營俾收功於別乘可都州都督府司馬

授溫慎微揚府司馬制 蘇頌

門下中散大夫守興州刺史輕車都尉溫慎微門遺清白家傳詩禮外鳴謙而益光中造理而能密書工懸帳賦掩馳輪閑達彰其起草仁明最于分竹乃睠惟揚之藩是稱重江之奧端寮所擇僉議攸歸可守揚州大都督府司馬

散官勲如故

授樊偁德目益州司馬制

前人

黃門太中大夫前守榮州都督借紫金魚袋上柱國樊偁
早負文詞累遷省闈頃楊才智受任軍州敏以邀功斷而
臨事峨眉作鎮鼉靈開國惟巴蜀之險接西南之夷式遏
撫循允擇時望端寮副職俾承朝委可行益州大都督府
司馬餘如故仍知蜀川防禦副使即馳驛赴任

授馮光嗣揚州都督府司馬制 前人

門下朝散大夫使持節黃州諸軍事守黃州刺史馮光嗣
忠信立名見推人物朝散大夫守相州別駕上柱國鄭國
公揚獻通明應務雅有吏能頃在中朝各登清貫自居外

郡煩聞政績連率之府貳職為難宜膺並命之榮以副
官之選光嗣可守揚州大都督府司馬散官如故

授李廷珙沂州司馬制

勅朝議郎行右領軍長史李廷珙珙以時人遂居先職不
脩其任是曠於官曆象之司既非適用海沂之佐俾効所
正可行沂州司馬員外置司正員

授李庭芝絳州司馬制 前人

門下朝散大夫行櫟陽縣令李庭芝行能通敏政術優長有士族之
令多庭芝上畿之良吏在官既久歲効則多宜佐雄藩俾增
榮秩可分絳州司馬散官如故

授梁炫郢州司馬制

前人

勅藩州司戶參軍員外置同正員江南西道採訪使判官
梁炫才堪應物累則因人近佐澄清頗彰勤苦以茲補過
因可收長宜遷貳郡之榮式允連率之薦可郢州司馬員
外置同正員

授嚴正誨博州司馬制

前人

門下朝散大夫行司農寺丞攝殿中侍御史專知太倉出
納使借緋魚袋嚴正誨頗有吏能累遷官守荒所効職必
聞其政出納之吝或未當才邦國之功期於佐理可博州
司馬借緋魚袋如故

文苑英華卷第四百一十四

文苑英華卷第四百二十五

中書制誥三十六

宰邑

外縣令

授元素履忠州臨江縣令制 李嶠

勅奉議郎行涪州隆化縣元素履縮銅兩穴遊刃三巴府
推其能人便其政賓寮戀仰蠻漢嘔吟宜遂所祈以終美
績可忠州臨江縣令

授李承嘉并州太原縣令制 前人

勅通議大夫前守文昌司勳員外郎李承嘉擢秀士林昇
榮禮閭公勤無怠幹制有餘既脩太原是惟舊國爰制美
錦實佇良材宜錫崇班佇聞異績可檢校并州太原縣令

散官如故仍馳驛赴任

授趙崇嗣南由縣令等制

前人

勅朝議郎前行慶州同川縣丞趙崇嗣儒林郎守蓬州宜
縣丞陳義全等或典農朔陞致京庾之積或驅驛巴徼有
綏輯之功且敘成勞俾無遺賞崇嗣可行隴州南由縣義
全可守潼關令散官並如故

授竇慈遜岐山縣令制

蘇頌

勅朝議郎行司農寺竇慈遜爰以幹用歷登班秩憲曹農
府星籥未深雍時岐山絃歌所屬宜遷子男之邑佇聞人
吏之謠可岐山縣令散官如故

授畢懷亮清流縣令制

前人

勅前常州晉陵縣丞畢懷亮踐言立行希高慕古乃旌之
禮方議於微辟軒冕之榮每聞於退讓厥聲則遠斯道不
渝須嘉賢良可鎮浮競遂其彭澤之志用表太丘之德可
滁州清流縣令

授吳太玄宋城縣令制

前人

勅朝議郎行監察御史吳太玄清以立身嚴以持法謠成
避馬實憚於霜威政佇遷蝗俾聞於風教可行宋州宋城
縣令散官如故

授王璆柳城縣令制

前人

勅朝議郎前行榮州都督府倉曹參軍上柱國王璆早聞
幹用兼擅籌畫龍城達邑俾居銅墨之班解海安波仍掌

舳艫之事可行營州柳城縣令散官如故仍充海路押運糧使

授陽洽安邑令制

前人

黃門朝請大夫新除河南府司錄參軍事陽洽慎則能密清而又公任之養人特疑作曰循吏朱鈞應務迹豈滯於中京墨綬宣風才可臨於大邑可蒲州蒙邑縣令散官如

故

授于光庭聞喜縣令制

前人

黃門朝議大夫前行鄧州長史上柱國臨淄縣開國男于光庭早聞詩禮兼著詞學歷職有聲在公無撓宛潭菊水未旌理劇之能漢邑桐即定風之最可行絳州開喜

縣令散官勳封如故

授韋由太原縣令等制

孫逖

門下朝議大夫守太子中允韋由太常丞長清縣開國男程若水等或業擅鄉族恩延將相或以人才累升官叙此京理劇東朝駁議宜膺並命以叶類能由可守太原縣令若水可守太子中允散官如故

授徐鈞南海縣令制

前人

勅行晉州神山縣徐鈞幹以立身果於從政頻更所職頗効其能言念遠人實資良吏既有使臣之薦宜遷宰邑之榮可廣州南海縣令

授崔綸鄆縣令制

前人

勅益州大都督府倉曹參軍崔綸頃為郡掾兼佐軍麾清
幹有聞公勤亦著名當歲調才應時須宜遷宰邑之榮式
允使臣之薦可益州郾縣令

授銀州刺史劉頗河中府河西縣令制

元稹

勅劉頗朕以自鄙而北夷夏雜居號為難理乃詔執事求
所以綏懷控壓之者皆曰頗在茲選且言其伐蔡之役嘗
參事集作於懷汝之師部分弛張允叶軍政遂命試領州
郡事眾果寧阜邊人宜之連帥以聞議請甄獎河西近邑
擇吏惟精無恡牛刀為我烹割可依前件

授齊煦崔諷等鄭縣刻縣令制 前人

勅前橫海軍節度判官監察御史裏行齊煦前衢州溪江
縣令崔諷等今一邑之長古一國之君也刑罰紀綱約略
受制於朝廷大抵休戚予奪之間盡專之於令長矣然而
天下至大百吏至眾吾安能以一耳一目觀聽其短長耶
翻等皆奉詔條為人求瘼尉薦於爾豈其欺予各勉厥誠
以臻于理煦可華鄭縣令諷可越州刻縣令

授元公度華陰令制 白居易

勅元公度吾欲理化萬方故自近始前授大宗正翻印綬
使牧華人翻能副吾此心選吏責課言公度廉明有守乞
宰華陰噫華陰當道東西往來先是為邑者多飾廚傳奉
賓旅以沽名譽而不親吾人爾能革之足為良宰敬長果

法無慢乃官可華陰縣令餘如故

授薛元賞華原縣令制

前人

勅前大理丞薛元賞旬服之制也樹以尹正承以令長上
下有統而理化行焉以元賞前為廷尉丞察獄平刑頗開
敬慎寺卿奏課邑宰缺員故移欽恤之心使布惠和之政
上承爾長下字吾人無或越思而乖統理可華原縣令

授辛弁文淄州長山縣令制

前人

勅趙州臨城縣令辛弁文既有吏材又知臣節遁逃寇難
奔走道途言念忠勞宜加恩獎俾換銅墨移宰長山可依
前件

授裴克諒權知華陰縣令制

前人

勅華陰令卒非選補時調租勉農官

集作政

不可闕前

軍判官試大理評事裴克諒久佐本府頗有勤績屬邑利
病爾必周知宜假銅墨試其材理待有所立方議正名

授崔郁南鄭縣令等制

崔叔

勅前藍田令崔郁前登封令鄭倚前陸渾令李元夔前京
兆尹戶曹李廡等撫鯨惇奉陵寢本於廉白藉彼恪勤爰
因參調之資是奉選求之命銓衡之下雖欲掄材資品之
間固難專授勉膺獎任無俾蔑聞郁可興元府南鄭縣令
倚可鳳翔府天興縣令元夔可莊陵令廡可高陵令

授李瑤雲陽縣令等制

前人

勅李瑤等京縣理劇綱曹糾違書殿讎校之清閑光祿膳

鑑之承副從容於蓮蓬之下籌畫於雲幕之間苟非才能不預斯選以瑤等或職任脩舉或文業優長用是披之寵光旌此休問各從其適無忝已知可依前件

授楊鎰西水縣令張廷濟永清縣令盧軻新政縣令孫球下邳縣令等制
劉崇望

勅昔魏郡十五城獨繁陽有異政漢史書之以其為縣之才未易得也今我擇官憂人之際一朝以難得之才待鑑等四子其何如哉將青試功亦宜申命為政如御不可改轍而行為政如農唯在勤思其事無或窮人使為盜也書稱以庸本朝旌賞遽以印綬光命之球蓋延徐師溥之所舉乃為之酬當務其實可依前件

授楊弘範郿縣令制
前人

勅楊弘範能以下位伸于上聞諒屬驅馳不避繁劇郿大邑也有民人焉勉揚仁風無辱公舉可依前件

授薛璫新鄭縣令賈希弼汧源縣令李牢麟遊縣令等制
前人

勅薛璫等我聞焦贛之伺奸邪虞詡之推盤錯皆屏盜之迹為治縣之先盜既不興縣是用保今其時也勉思齊之其於政之善惡人之理亂賞罰甚明足以自擇璫得銀章無忘競惕

授于荷雙流縣令制
薛廷珪

勅具官某等嗟乎爾荷丞相之子也栖遲府縣汨沒風塵

美蔭成蹊孤根委地矧吾戚屬茲用軫懷聊效牛刀式遂
雞口類而下則轅之門吏也自陳去職久困家食俾佐方
州各均祿仕而荷峻其階序飾以章服吾不能無私於親
親之道也可依前件

授沈正言南鄭縣令李登趙縣令楊守節永樂縣

令等制

前人

勅宣尼薦弟子之能曰由也果於從政乎何有朕懲兵革
之後念疲瘵之人富而教之令長為急具官沈正言等或
納圖籍於書府或稱勞績於本官皆不因依明自論列執
政詳驗功狀昭然皆可謂果矣夫南鄭亞赤永樂次畿及
晉之趙城皆名邑也俾爾各為之宰冀乎有成嗚乎無

果於有謀而殆於從政可依前件

授劉廷溫華原縣令丘景元分水縣令制

前人

勅華原甸服之重分水吳境之清宰宇至于屬僚不可輕
往以廷溫在官有績罷退稍久景元侯表奏舉其才能資
次命之各勤于職可依前件

授李昌偉岐山縣令王羣白石縣令杜堯魯口縣

令等制

前人

勅昌偉等宣宗皇帝命明法吏刪刑書為統類十編盡去
繁詞而獨著元結縣令箴其間是於養人之官殷勤深切
矣岐山右輔之名邑固所重也而壁之白石邑之魯口委

以養人之任豈以僻陋而輕哉以昌偉等勲臣所薦跡其勤効咸可寵嘉用爾大小等衆俾其並爲令長噫風俗雖異戶口雖殊苟無忽於元箴則皆可副吾旨矣可依前件授盧蟾富平縣令郭謹武寧縣令李嗣業曲沃縣令馮琪山陰縣令等制
前人

勅盧蟾等十年兵戈兆人流散朕延執政與百執事問所以聚人之方皆慎選令長而已夫畿赤之富平可謂大邑而洪之武寧絳之曲沃越之山陰亦皆著名者也爾蟾等或稱華胄或曰才人華胄以禮讓爲本才人以政術爲宗而琪嘗於佛寺有遷明皇真像避賊火之功可謂忠敬矣以爾四人爲縣庶可聚吾人乎勉端能以稱其用可依

前件

授孔競陰平縣令張標湖州錄事參軍王振蓬溪縣令等制

勅孔競等或連師表請或郡守薦揚或勞績可稱罷免斯久能自陳列動我聽聞宰邑糾曹皆其任也可依前件

主簿

授高昌首領于蒲類縣主簿制
李嶠

勅麴玄福拔跡輪臺策名會府宜受芝泥之命往參蒲海之邑可將仕郎守兆庭蒲類縣主簿

授鄭枋河中府河西縣主簿
白居易

勅鄭滑州觀察推官試太子通事舍人鄭枋材

集作
列士

林職參軍府脩身無闕從事有勞既展効於即戎宜試能而補吏俾之糾邑庶有可觀可依前件

授楊彥奉國縣主簿尚殷美萬歲縣主簿制

劉崇望

勅楊彥等主簿之官大要在其勾稽一同百里不亦難乎無言小官而忘幹事黜陟勸沮勉自為謀可依前件

縣尉

授侯丕壽州霍丘縣尉制

白居易

勅試太常寺奉禮郎翰林侍詔上護軍侯丕夫執藝以事上奉詔而處中其於出入謹身夙夜祗命比他局署實倍恭勤既寵之以職名又優之以祿俸蓋先勞後食之義也

汝其承之可守壽州霍丘縣尉依前翰林侍詔勲賜如故

魏充二州所薦田夷吾曹璠二人準勅試詩日終

百首授以所貢郡縣尉制

勅乃者魏充二帥以田夷吾曹璠並善屬文貢置闕下有

司奉報明試以詩五言百篇終日而畢藻思甚敏文理多

通賢侯薦延宜有升獎因其所貢郡縣各命以官而倚馬

員來衣錦歸去以文得祿亦足為崇可依前件

湖州烏程縣尉李忠等授官仍量留等制

薛廷珪

勅具官某等青社霅溪之守各脩職貢俾爾來朝實冒險艱所宜酬獎有以兼廷評之命而許留於官有以移掌之

秩而與夫掾臨海者皆遂爾畫錦之榮也可依前件

授張暮端陵丞李頊虹縣主簿裴昇新井縣尉等

制

李嶽

勅張暮等或園陵攝官屬籍吉士宗正以其事跡貢表薦揚裴昇等各以去任在官勞績深自論列情有可依丞簿陵邑各從資序可依前件

授宋郁廣都尉黃去或臨安縣尉主簿瀕温鳳翔

文學等制

前人

勅太宗文皇帝論學書骨力喻政化根源朕既達微言則思觀真跡又欲廣書籍之府以正是非存忠烈之家以勵風俗三者皆吾夢想也而宋郁等進獻論列有以副焉丞

簿文學用酬其意可依前件

中書制誥三十一

封爵

封公

封右武威衛將軍沙吒忠義鄭國公制 李嶽

上柱國賓山郡開國公沙吒忠義三韓舊族九種名家

奉茂騰遠參文衛蕃夷永存虜騎蜂屯頗出奇謀屢獲

功人 功人 功人 功人 功人 功人 功人 功人 功人 功人

功人 功人 功人 功人 功人 功人 功人 功人 功人 功人

功人 功人 功人 功人 功人 功人 功人 功人 功人 功人

功人 功人 功人 功人 功人 功人 功人 功人 功人 功人

文苑英華卷第四百一十五

戰文學用昭其意臣亦願升... 授宋都廣都尉黃士或臨安縣尉士等... 文學等制... 前代... 初太宗文皇帝論學書骨力喻政化振源朕既遠微言... 恩觀其以文飲廣書籍之府以正是非存忠烈之家以...

文苑英華卷第四百一十六 中書制誥三十七

封爵

封公

封右武威衛將軍沙吒忠義邠國公制 李嶠

鸞臺清邊中道前軍總管冠軍大將軍行右武威衛將軍
上柱國賓山郡開國公沙吒忠義三韓舊族九種名家夙
奉戎麾遂參文衛蕃夷豕荐虜騎蜂屯頻出奇謨屢摧凶
黨昔臨鴈塞能羈縛馬之妖今拒狼河更翦奔鯨之孽勤
功允著誠効克宣宜酌矢石之勞用廣山河之賦可封邠
國公食邑三千戶主者施行

封致仕唐休璟宋國公制

蘇頌

門下養老乞言是謂有禮建侯專國德一作因而有命特進

行前尚書僕射同中書門下三品上柱國酒泉郡開國公

致仕唐休璟才實王佐行為物範自綜理朝綱暮歆揆政

文武必濟義存簡冊公忠不回誠亮始終逮子房休事唐

德遺榮雖樂在黃金而慶逢蒼玉重其行賞孰優賢宜傳

帶礪益增土宇可進封宋國公食邑三千戶餘如故主者

施行

封郭虔瓘潞國公兼食邑實封制人前人

黃門聞鼓鞀之聲者則忌於將帥裂土茅之賦者則念彼

勲庸右羽林軍大將軍兼安西大都護四鎮經畧大使上

柱國大京郡開國公郭虔瓘忠將超倫智謀絕等决勝手

里懷孺子之兵符通知四夷有老臣之戎律往者鎮干荒

尚獨守孤城煮弩而其人益堅引弓而彼衆不敵故得愛

于柰鏑名王解辮穹廬掃地而將空沙漠聞風以歸附功

則茂矣朕實體之宜誓河山開其井邑可進封潞國公食

邑三千戶仍賜實封一百戶餘並如故主者施行

封李林甫晉國公牛仙客幽國公制 孫逖

門下勸賞者國之端既著疇庸之典俾彰為善之制中書

令李林甫天寶挺生鬱為良佐工部尚書同中書門下三

品牛仙客國之名器特表忠臣能協乃心以成大政亟多

啓沃聞所未聞導以化源驅之仁壽遂令天下人盡知禁

斷獄數十殆至無刑所以比跡於成康高步於文景用人

多矣方獲我心况知無不為釐革庶務損繁取要無往不
通古者褒有德賞有功今乃法懸不用德教云洽叶贊之
道功則茂焉宜其增封特開并賦林甫可封晉國公仙客
可封幽國公主者施行

張均襲封燕國公制

前人

門下正議大夫行尚書兵部侍郎上柱國張均傳範濟美
錫履承榮有構厦之瓌材為刺鍾之利器嗣其先職且歷
縉雲之司績乃舊封更開去社之國可襲封燕國公食邑
三千戶主者施行

封侯

劉領軍封侯詔

沈約

門下南國是式事昺興周原鹿啓土義昭洪漢領軍舅親
德之重朝野式瞻在昔中興任推心膂哀疚眇然未堪多
難允賴徽猷嗣隆寶業及釁起不虞咫尺宮禁內叅嘉謨
外宣戎畧密勿劬勞誠力備盡宗社克固寔倚高謨無言
不讐無德不報况忠勲至戚義兼於此者乎宜錫圭裂壤
允副金鬻可封開國縣侯食邑二千戶主者施行

王亮等封侯詔

前人

門下尚書左僕射亮中領軍南鄉侯南徐州大中正營守
吏部尚書志並時宗民秀徽望允集協贊朝機彞倫是寄
秉文經武任惟腹心方賴嘉謨克弭時難宜䟽爵建社與
國同休亮營可各封一千五百戶開國縣侯本官中正

如故志封千戶開國縣侯本官如故主者速施行

常僧景等封侯詔

前人

門下廬陵王中兵參軍事宣閣將軍軍主新除右軍常僧
景車騎江夏王參軍事宣閣將軍新除右軍中郎將薛元
嗣安東廬陵王參軍事振武將軍徐元稱假寧朔將軍廬
陵王國侍郎延明主帥殷係宗前軍將軍宣閣格虎隊主
馬廣或氣畧強果或志識貞濟或忘家奉國誠著夷險方
寄戎昭克清時難宜命爵啓土以獎厥勞可封一千戶開
國縣侯本官新除驅使悉如故主者施行

封李岫長樂縣侯制

孫逖

門下朝議大夫守衛尉少卿上柱國清水縣開國伯李岫

操清行索學敏詞優克荷教忠之訓以成資敬之德翳交
神有慶布澤無偏賜級之榮旣覃於良相推恩之典宜及
於名卿俾增錫土之封用表傳籙之業可封長樂縣開國
侯食邑一千戶主者施行

授魏博節度副使守左

一作右

司馬知府事長沙縣

開國子羅紹威檢校司徒進封開國侯制

錢珣

勅王制之重列爵惟先開國之名徹侯斯貴具官某自河
而北地濶兵賦之大實在鄴中而又以雄傑之材統臨有
政爾以忠孝全道副貳其權嚴訓所資美譚甚遠不作威
而人自畏能處順而事必行理戎每贊於公家秉禮無違

於私室更廣疏封之寵以分勸善之章勿怠象賢是爲守
貴可依前件

封伯

封申希祖詔

沈約

門下持節督司州諸軍事冠軍將軍司州刺史申希祖志
器沉隱才畧開濟在昔多難任叅心膂爰及中興忠款彌
著契濶艱虞盡其心力逮德徼侵斥武節颺騰殘寇外殄
危城獨困休庸茂績朕有嘉焉宜錫茅土以疇勤烈可封
開國伯食邑五百戶本官如故主者施行

封三舍人詔

前人

門下輔國將軍驍騎將軍南高平太守蕪中書通事舍人
沈徽孚給事中驍騎將軍臨淮太守蕪中書通事舍人王
暄之寧朔將軍南濮陽太守蕪中書通事舍人裴長穆並
以素胄清才服勤禁省契濶劬勞有須多難軍國務殷內
叅帷幄外濟師旅忠規欵志義感朕心宜錫茅社同蒞賞
冊可封三百戶開國縣伯本官郡驅使並如故主者速施
行

封子

封徐世標制

詔一作

前人

門下驍騎將軍彭城令徐世標才畧貞濟志懷義烈忠節
內欵勤勤外著禦侮折衝任惟心膂頃茲隱潛煽危機驟
發夷凶弭難實有力焉宜命賞疇庸錫茲土宇可封開國

縣子食邑三百戶

封烏萍丁義縣開國子制

李嶠

鸞臺左金吾衛大將軍

檢校源州都督烏薄利家

近圓城任隆方岳惠洽藩部功宣朝廷扶津構厓遂宥生
氛能拒秋凶固守臣節踰馬韓而猷冊汎鯨海而申厦計
議並深忠懇咸到書勞有典方隆將帥之班舉善不遺宜
拓公侯之宇可左金吾衛大將軍員外置同正員仍封歸
義縣開國子食邑一千戶主者施行

授高爽果州刺史安友晟寧州刺史仍封武威縣

開國子加食邑制

錢珣

勅我思致理不欲滯人復於賦祿之間常有失勞之慮改

張之道且就便宜勸善之章必先允當具官高爽周知武
經盛著臣節拳勇之力馳騁有成前以新平殄寇之勲移
此地頒條之政而茲之牧守且務緝綏元帥請留我所難
奪南充善部皆曰可居雖改乘轅將聞叱馭具官安友晟
兄友弟恭共圖富貴披堅執銳惟徇國家當群克効逆之
秋激受命忘身之氣比膺賞典亦剖郡符且未登車實同
解印或致杜門之歎是忘盟府之書乃寄邊城仍加列爵
爾其各宣美化如立前功必使忠臣兼稱循吏可依前件
授金州刺史馮行襲學校太子少保仍封長樂縣
開國子加食邑制
前人

勅漢制郡國有政者皆不易其居就增其秩欲使人安於

教化且激勵精本自明列皆成富庶具官馬行襲始用忠
謀勇力披難立功每推家敵之心必能禁暴為武思齊良
將聞令善經而貢山面江金石名部燎于兵火毒我編氓
爾則保之如家視之如子盡寬井賦恐奪農時耕無惰夫
廩有豐食地產脩述職之貢市租給備患之師相里所而
同欲乃遷興役徒而施勞何怨炳然之績觀而可論保民
既重於三公開國仍昭於五等如能知勸當更陟明可依
前件

男爵

授李居壬等制

沈約

門下新除太子左衛率軍貞主李居壬志識開敏器懷貞

濟盡力禁門誠著夷險新除太子右衛率軍主潮陽齊書

陽縣開國男胡松性業詳固才用果烈新除節督青冀二

州諸軍事寧朔將軍青冀三州刺史栢和剛正款率屢著

勤効新除左中將軍主鴻選氣質強果秉心誠宣並反旆

南轅以赴危難身先士卒翦此鯨鯢功勤碩茂宜隆賞典

君壬可封一千戶開國縣侯松可增封為七百戶和可封

五百戶開國縣伯選可封三百戶開國縣男新除持節刺

史將軍主男並如故主者施行

封左興盛等制

前人

門下逆豎王敬則縱兵內侮陵斥畿甸輔國將軍參軍將

軍事齊書作前左興盛直閣齊書竹將軍劉山陽受律前

驅炎勇爭路或銜至首旆或陷懸中麾元惡集至氛梗載
廟賞不踰時義弘前典可封開國男食邑二百戶并進位
一階主者速施行

封劉璠彭城縣開國男制

李嶠

鸞臺朝散大夫行左肅政臺監察御史劉璠執簡當朝秉
輶撫俗効彰伏柱勤深攬轡堅貞之操既申於栢臺利建
之榮宜及於茅社可封彭城縣開國男食邑三百戶主者
施行

授沙叱忠義等官爵制

前人

鸞臺辭第鑿門允稱鼓鞀之將列位疏爵是為廟堂之賞
冠軍大將軍行右威武衛將軍檢校左羽林衛上柱國郟

國公右奉宸內供奉沙叱忠義遼東壯傑各蓋於狼河東
武威衛將軍員外置同正員右奉宸內供奉駱務整薊北
雄渠氣高於龍塞並受登壇之任俱懷出閫之畧或輕齎
絕險以應青丘之別軍或高壘抗威以要黑山之潛遁兵
強由筭師克在和爰清食彘之祆遂廓浮菴之黨操袂成
市執袂一作驅盈路屈指告捷未待於經年疇庸冊勲豈假
於踰月宜膺剖珪之錫蕪峻銜味之寵忠義可行右金吾
衛將軍餘如故務整可左武威衛將軍封盧龍縣開國男
食邑三百戶餘如故主者施行

封張嘉貞河東縣男制

韓休

門下任事而爵古之葵訓論者以封朝之通典銀青光祿

大夫守中書令上柱國張嘉貞忠肅恭懿宣慈敏達涵清
明以毓德體文武而成器自光帝載昭宣廟謨屏味用和
台塔增峻事君有犯而無隱奉國以公而滅私持其憲章
式是軌度既邦教有叙亦丑猷以穆頃統軍政則城朔方
爰底其績未疇厥賞固宜命以圭社崇其禮物俾楚臣授
邑克表寢立之制漢道優賢更叶平津之美可封河東縣
開國男食邑三百戶主者施行

授寧州刺史高爽檢校司徒仍封渤海縣男加食
邑制

錢翊

勅昔慶父去而魯難寧得臣死而晉憂弭事有所近之類
而人有可論之功則用典為以勸來者其官高爽魁傑之

材好通經畧強禦之力善據邊防激將帥之雄心憤邦家
之多事聞吾出狩來扞近郊遂驅有律之師進討不然而
黨壓外既潰衝寇既一作始平忘烈可圖勲勞甚盛建藉以
數開國有章且觀得衆情無不悅於是賞勵之不已則
永休可依前件宣州宣城縣令儲孝任等並早從推擇

勳勞績茂結銅特逢檢玉千齡有慶既屬休符百世
宜從榮獎可依前件主者施行

宋於河州南丹

幾開國首章且購丹來前無不帥故最賞瀾之

黨壘水瀉費衝宏鴻一作平志原何圖燠發甚盈

之參事聞吾出管來林茂校發驅車幹文相數信不燃之

孫我嚴器畧銀藥之代善魏變前熾雜叫之林心對准案

文苑英華卷第四百一十七

加階

加階

授宣城縣令儲孝任等加階制 李嶠

鸞臺朝議郎行宣州宣城縣令儲孝任等並早從推擇又

著勤勞績茂縮銅時逢檢玉千齡有慶既屬休符百壘能

官宜從榮獎可依前件主者施行

授右衛親府中郎將裴思諒等加階制 蕭人

鸞臺宣威將軍守右衛親府中郎將檢校左羽林衛上柱

國裴思諒等八屯五校俱奉職司三垓九筵威屬休慶錫

以班秩用存優獎可依前件主者施行

授通州刺史于光遠等加階制 前人

鸞臺中散大夫使持節通州諸軍事守通州刺史于光遠並資才藝咸剖符竹勤勞有積聲望俱優神岳泥金明堂會至頒賞行慶宜加恩獎可依前件主者施行

授皇甫翼等加階制

張九齡

門下朝請大夫檢校尚書左丞上柱國皇甫翼等才有國良望為時重或紀綱會府成司直之名或彌綸列曹得在公之與屬禮崇齋祭慶洽衣冠宜加等級之恩用廣殊常之賜可依前件

授張均等加階制

鄭少微

門下中大夫行中書舍人張均等並藻珪璋騰華綸繡文行致美駁議惟精肅侍嚴禋咸稱慎禮宜覃行慶之典俾承加等之榮可依前件

授李逢吉章秘等加階制

元稹

門下某官李逢吉是朕皇太子時侍讀也忠孝之訓何嘗忘之惟祕洎瑾實惟藩臣克壯威猷以固垣翰楊造等祗事內外夙夜惟寅並沐前恩迺榮級上下有等式示彝章可依前件

授崔元畧等加階制

前人

勅崔元畧等階之設二十有九有庸有事有叙有加用是四者以詔百吏由邇而上至于元畧曰加曰叙由漙而下至于弘景曰事曰庸光我侍從之臣且優致政之老詔賢

詔德於是乎在堂奧益近爾其敬之可依前件

授高元裕等加階制

崔嘏

勅國之肆青必有霈澤所以惠及於下也爾元裕國之重臣守我封部能以惠化富吾疲疇其地分內外之任盡勤勞之誠皆以所能舉其官業是用因茲大慶錫以崇階各敬爾儀無忝休命可依前件

授內諸司及供奉官叙階制

前人

勅設堂陛所以辨等威置階級所以彰貴賤苟可授者吾無愛焉爾等或司我繁重夙夜無違或侍吾左右勤勞不懈而皆溫和植性廉潔終身方將委以腹心豈止加於爵位爾其率職以事上用降以持滿勿以貴而驕人無以高

而自忽保茲貞吉以求休光可依前件

授常懋裴識等加階制

前人

勅記曰爵人於朝與衆共之蓋以階級旣崇寵榮斯異疏封錫命列土承家爾等或才推粉澤豈唯五字之工或任重藩垣一方之績或官居象月或位應列星或擁緹騎而分九衢或奉瑤墀而總六尚皆聿脩官業克紹家風爰因慶澤之辰更舉山河之誓宜思帶礪永保簪裾可依前件

授李駢等加階制

前人

勅慶澤可以示恩榮貴階可以顯勞績至於叙進則有彝章况爾等咸以儒業吏能累更事任久而益茂志且不渝

方承覆篲之勤宜錫崇基之漸封妻蔭子斯足爲榮可依前件

授孫簡等加階制

前人

勅上造出秦中洵自漢古所以叙武功今所以寵文德施恩布澤今古同途爾等皆道光儒業任經才膺歷試之難德茂歲寒之操或卿曹副貳多推幹用之方或正殿贊揚共許詳閑之美况橋山奉職鶴禁來儀既雙事任之勞亦舉優賢之典河山在日帶礪爲期克保初終未光胄緒可依前件

授盧弘正加三品階制

前人

勅天門交榮戟身耀金紫袍孫可蔭顧室增封自非峻級崇階其何以致爾等或以強學潤已武畧登壇或望重瑣闈輝華於粉署或道光憲席輔相於青宮或以長才累更事任或以吏道久領郡符用則殊途事皆一致爰因慶澤以布恩榮勉思階級之高無忽柔謙之誠可依前件

授朱克柔張戎等加階制

薛廷珪

勅具官某等外諸臣有政事可以稱家父位尊功大不求聞於時者可謂能處其身而協進趣之道矣而師保元勳燕居轂下以遺落之材廣朕聞聽亦深得大臣之體裁一作哉惟茲二事朕實樂聞爾克柔能以政經葺吾舊許人蒞俗遠至邇安而戎前佐大藩休有淑問盤錯斯驗鋒銜有餘或嘉齟擻之心或乞求伸之志大臣子弟朕豈無私元

動薦揚朕豈不信上公進律少將通班階序徽章旌別優異惟爾克柔與戎宜知朕寵待汴帥全忠與太保鈇之意而勉於從政立朝也可依前件

開府

授王仁皎開府儀同三司制

蘇頌

門下后族之榮况有資敬台儀之重允膺是求特進王仁皎盛門華緒當代賢戚不言而自有陽秋從信而罔愆風雨軒星作範已寵於金穴管管增輝更芳於玉樹三事斯擬百工式瞻俾延椒臺之祥宜助槐庭之理可開府儀同三司主者施行

授李抱玉開府儀同三司制

常袞

門下秉德者必先於冲讓報功者亦資於禮秩遂其所執以彰明哲之心存其所賞以稱勲賢之策一作則勞臣知

勸群議允從兵部尚書同中書門下平章事潞州大都督府長史知鳳翔事充陳鄭澤潞觀察處置等使仍充南道

通和吐蕃秦隴淋疑洮以來觀察處置等使上柱國李抱

玉風雲所感挺此人傑文武相濟弼于朕躬竭股肱而宣力敷心腹而納誨道高可以諮訪言惠可以底行鎮撫四夷旌麾授其二柄決勝千里法令齊於一人端誠馭衆律畧安邊究詩書之義府脩德刑之戰器故使剛者有禮勇者有方三軍可用九伐皆尅西戎即叙中夏底寧而又精心吏職諭我朝旨茂周原之多稼省隴戍之外徃老少安

懷遠邇和洽杜稷之衛邦家之光嘉乃丕績肆于時夏冲而不盈泰而彌損累執范宣之志不言馮異之功辭禮閣之端右罷王畿之戎號足以光昭史冊軌度縉紳今之儀同未曰優異以其遜職是有進階式從彝序無替成命可開府儀同三司餘並如故

授鍾庭光開府儀同三司制

前人

勅鳳翔節度下歸順羗首領部落副使保寧州都督特進守右羽林軍試太常卿鍾庭光夙承勲望早勵誠勤自屬艱虞備申効用旣臨危而見節亦因事以成功率先歸懷丹款昭著益表自新之志允茲從重之賞禮優八命秩比三司宜茂寵章式疇勲則可開府儀同三司餘如故

授李秀璋開府儀同三司制

前人

勅儀亞槐庭寵分茅杜議功而賞舊典斯存河西觀察判官持進檢校左散騎常侍兼泗州刺史上柱國李秀璋議慮深遠理懷明濟勁節不奪長才有餘湟中絕塞久毗戎幕車師前部仍領藩條萬里孤軍十年連戰主畫以貞師律推誠而得士心摧克陷堅勝捷相繼軍吏緩帶邊人反耕緬思忠勞益用嘉歎宜進秩於八命更褒封於五等可開府儀同三司仍封隴州縣開國男餘如故

授張自勉開府儀同三司制

前人

勅淮西節度都虞候特進試太常卿上柱國張自勉體仁以成勇狗節以臨戎職在刺奸威屬整旅齊軍令之進退

明師律之否臧南清江黃比啓申息邊虞載戢亭候肅然
舍爵議榮實若其右承景風之章叙比公府之命秩可開
府儀同三司餘如故

授論誠信等開府儀同三司制 前人

勅大將軍論誠信等咸有將才早彰臣節或往參締構業
著總干或近歷艱難勲高負勒錄功行慶啓號覃恩宜疏
五等之封更寵三司之任誠信可開府儀同三司

授杜冕開府儀同三司制 前人

門下禮優八命秩比三台名器之崇勲賢所屬特進試太
常卿使持節鄜州諸軍事兼鄜州刺史御史中丞克卿坊
等五州都防禦使上柱國鄭國公杜冕植性剛毅立誠慮

烈夙有將帥之才早知軍旅之事任當禦侮政在親民生
七德以臨戎頒六條而訓俗地臨上郡時屬多虞軍令准
行高懸賞罰之柄王師所處不敗商農一作不敢之業戎
軒屢捷郊壘用寧制勝功高緝綏課最加以命數抑准典
常可開府儀同三司餘並如故

特進

授阿史那獻特進制

蘇頌

黃門建官制爵立化之本樹善崇功惟能是任招慰十姓
兼四鎮經畧大使定遠道行軍大總管北庭大都護瀚海
軍使節度巴西諸蕃國左驍衛大將軍攝鴻臚卿上柱國
興昔可汗阿史那獻凌鉄關之遠塞威揚萬里雄金山之

舊族誠竭累朝每讀古人之書且多奇士之節豈止稅侯
忠孝呼韓胤緒而已哉頃服櫛戎綏其種落茂勲則遠已
寵於登壇厚秩未加俾榮於開府西台之典群議允集可
特進餘並如故主者施行

授李林甫特進制

前人

門下王度以貞實寄於良輔天秩有禮允歸於盛德光祿
大夫尚書左僕射兼右相吏部尚書集賢院學士脩國史
上柱國晉國公李林甫庶期致用命代生才禮樂形於物
範文章表於王佐自登衮職一紀于茲啓沃之謨酌泉源
而不竭忠公之節貫霜雪而罔改彝倫攸叙庶績其凝實
願予彌用熙帝載猶且謙冲夕惕競慎日嚴問溫樹而不

言復薄冰而逾勵久而益著德則茂焉近者禮屬交相
當進秩雖允恭克讓徒有固辭而惟噐與名本無虛授
昭寵數以鎮崇班可特進行尚書左僕射兼吏部尚書主
者施行

授李光顏加階并賜一子官制 元禎

門下朕聞有天下者道德仁義以為理城郭溝池以為固
故曰不教人戰是謂棄之有備無患可以應卒此先王
攘戎狄保障黎元之大畧也五原居宥夏靈慶之中當
豕豺狼之窟將搤咽喉之要爰授集作命腹心之臣厥有
功宜加茂典邠寧慶等州節度觀察處置等使金紫光祿
大夫檢校司空兼邠州刺史御史大夫上柱國武威郡開

國公李光顏氣敵三軍心師百行有卞莊之勇守之以仁
有日磾之誠濟之以武叱咤則風雲迴合開宴而鑄俎周
旋蓋文武之全才真古今之良將是以淮蔡之役百勝功
高青齊之師一面居最朕以蕭關尚警馬嶺猶虞五餌之
詐可羞百雉之防爰度先是屬役每難其人惟爾良能果
諧予願程功而不愆于素訖事而不勞于人比命有司褒
乃實効僉曰古諸侯勲德優盛則就加特進以寵之我國
家封植崇重則有朝請一子以異之予嘉乃勤兼用兩者
茲謂上賞爾惟欽哉可特進仍與一子正員四品常參官
餘如故主者施行

授張濬特進守右僕射依前充諸道租庸使

錢翊

勅古者建官取諸垂象故左右執法附於文昌以摠六卿
以提庶政用人之本邦國繫焉

一作典邦國焉

進賢既協於嚮公

致理詎宜於虛位具官張濬剛而能斷寬則有容保和而
實孕元精索隱而若陳洪範他山攻玉鮮類禹珪九牧貢
金自成周鼎先皇帝爰立作相朕小子圖任舊人每親夾
輔之才且致勤行之道必將率衆由已化兵爲農載胡越
以同舟混車書於外戶志所未就我實盡知經營向在於
四方親附未遺於百姓雖聚財之任不欲允煩大臣而復
國所資安可有稽征賦存居端右兼陟崇階得名器之所
歸在典章而斯重末期弘濟更集前功可依前件

授河東節度副使檢校司空一作徒王瓌特進制

前人

勅為國之政在蕃有條贊立武於中權屬好謀於副介具
官王瓌河汾之氣當萃爾家樂范之宗亦高他族伯仲繼
撫封之盛子孫承錫命之功爾能績彼勲名主於忠信遠
取而寧規勇爵深思而但顧良弓列群后之上卿處前人
之許一作興國尊獎之道造次必論心或益恭諒蕃昌之可
保性能召福何富貴之不來朝舉寵章事歸敦勸方布冊
勲之澤俾崇馭貴之階善佐末圖以承厚渥可依前件

授沁州刺史張漢瑜加特進封開國男食邑制

前人

勅具官張漢瑜等漢室勲勞始以進奉朝請而好爵之設

五等具焉至於任以專城秩參環衛假之有寵一作典典一作典

亦匪輕漢瑜以致勇之誠臨戎罔憚且能抱節而後立

功則良將之才挺然可見宗裕耻同兒戲學在師貞過庭

有聞刺部甚美則愛子之號昭然可知是以詔我代言俾

茲申命亦用垂勸期于徇公可依前件情行本於孝性固

於仁直而能溫和而有節文以禮樂達于典章自晦吉人

之辭深得待臣之體久在樞近通乎宥密順以聽命未嘗

越思咨而後行動不踰一全金石之固事絕絲毫之慙

勤職有功靜專端一往一既居一絕一近一從

初為國之政在善有條... 茲申命亦用垂憐... 首開陳暗甚美... 衣冠彈劾... 正帝其譚至... 其官... 中書制誥三十九

文苑英華卷第四百一十八

中書制誥三十九

內官

內侍省

授吳承倩內侍省常侍制

常袞

勅漢置十二卿其一尚禁中之事所以司正伯之訓奉詔
奏之嚴高選令才俾之叅掌具官吳承倩行本於孝性周
於仁直而能温和而有節文以禮樂達于典章自晦吉人
之辭深得侍臣之體久在樞近通乎宥密順以聽命未嘗
越思容而後行動不踰矩志全金石之固事絕絲毫之憊
勤職有功靜專端一往逢多故亦既居難遐想純誠近從
賜服雖疇其効未獎其能省之貳官秩比千石想茲寵授

念爾忠勞可內侍省常侍

授劉處宏通議大夫內侍省監充客省副使制

薛廷珪

勅內省華資司賓重任宮朝之選歷代攸難我今得人爰
舉茂典具官劉處宏冰霜勵操松桂騰芳弄筆硯以飾躬
考詩書而勵行遂為端士自闢亨衢在公馳幹事之名銜
命得使臣之體輦流推許達我聽聞宜示優恩以旌脩整
况遐方即序重譯來庭尤思周敏之才用副綏懷之旨兼
榮內省仍進崇階敬佩寵光往供乃職可依制誥

授通議大夫行內省侍張建方起復本官制

李璣

勅張建方古之孝子有為祖母而行服三年者雖有異於
禮經而凡稱於史筆繁爾至性過絕常流欲追昔賢信為
高行然自東西漢以後南北朝以來大臣奪情固已多矣
蓋以代更文質事有變通若皆徇私懷別誰當王事况爾
職業至重委藉方深宜達奉上之規用叶得中之理從我
曉諭是合章程可依前件

授吳承贊朝散大夫內侍省內寺伯判內給事制

前人

勅吳承贊早負器能累更職任清貞自立正直不回加以
溫故知新鈎深致遠雅好六經之旨旁求百氏之言以此
為官何官不理以此為事何事不行是用稱之清曹委以

重務俾其稍展扶搖之翰用彰干鏌之鋒無自晦藏副我
精選可依前件

內謁者監

授牛仙童內謁者監制

孫逖

勅奉議郎行內侍省奚官局令護軍牛仙童脩身淑慎從
事忠公夙夜惟勤出入無悔不有賞善何以勸能宜進官
榮且增章服可內侍省謁者監仍賜緋魚袋

授劉惠通內謁者監制

元稹

勅宣議郎內侍省宮闈一作閤局令賜緋魚袋劉惠通愿吾
愛之俾在左右將我密命達于四方去盡行人之詞還致
諸臣之復言必忠信事無尤違使朕不出戶而知三軍之

志者爾有力焉深念其勤將以為報

一作將階秩兼進用

示恩榮各依前件

授劉泰倫起復內謁者監制

白居易

勅朝議大夫

集作郎

前行內侍省內謁者監上柱國賜紫金

魚袋劉泰倫古有中涓謁者皆侍奉親近之臣也今之寵
秩亦由舊焉况泰倫有行義可以飾身有材幹可以掌務
監臨內署朝請中閤謹密端和其宜厥職久於其事兼之
實難宜加進秩之恩仍舉奪情之典勉承獎任勿替初終
可起復朝議大夫行內侍省內謁者監

授孫孟宣朝請大夫內侍省內謁者監等制

李璣

勅孫孟宣等並廉正操心温茂成器自領職務皆著能名無纖瑕可指於羣倫有嘉績可書於史氏聲譽既洽階秩宜遷噫爾有高才我有高位更宜升進勿自緘藏可依前件

授閣門使李全績中大夫行內侍省內謁者監等

制

前人

勅李全績等夫榮叅禁署光總內朝替文武俾不失威儀導君臣令無所壅隔永言斯任諒在得人以全績等行潔心貞神清氣爽加以洞達名法明解典章不以富貴驕人不以才能傲物居然重器迥出常流自領職司並彰殊効是用不移所任加以官榮無忘操持更俟遷擢可依前件

局丞令

內局令判內謁丞

授掖庭局丞賜緋張嗣復內局令判內僕局丞制

劉崇望

勅具官張嗣復性推端慎才任公方居為勵已之能動有逸羣之度爰當職局備觀通明諒此精脩諧於擢用是命伸其寵獎延以上司俟典幹之繼聞願優崇之何遠敬思勉勵跂及騰翔可依前件

授孫可讓內僕局丞制

前人

勅孫可讓才質相高謙和特立秉端正一作厚恭敬之禮一作體

備起居左右之勤入用甚優多一作前途更遠實諧獎進

裨列官司勉副寵榮無忘夙夜可依前件

授奚官局丞上柱國西門廷暉掖庭局丞制

前人

勅廷暉出入禁門周旋賓一作地恭謹之心無失公忠之

節愈明必有才能可當委用勉荷特遷之命宜思與進之

途可依前件

授儒林郎內府局丞賜緋魚袋楊復隨給事郎行

內侍省奚官局令制 前人

勅具官楊復隨資於周敏濟以器能居廣眾而和光列禁

司而幹務播於公議寧口上流諒檢操之不渝顧津途而

莫測允承嘉命勉副寵遷無違恪恭以就光大可依前件

授楊魯潛內侍省內府局令制 李磻

勅楊魯潛萬方兵革之時所難者道路九府困乏之日所

切者貢輸而魯潛不顧艱危任當使命俾其琛賚得至賞

錫粗行嘉爾勤勞合為遷轉可依前件

內官加恩

授劉全禮等七人並除內侍省府局丞置同正等

制 杜牧

勅賜緋魚袋上柱國劉全禮等置在傍側皆有才能既歷

歲時合當班秩各宜敬恭職祿不懈忠勤可依前件

授內官加階爵制 崔嘏

勅惟善是求有勞必報命其開國賜以崇階轉遷於禁掖

之間優寵於樞機之地我有成命爾其敬之具官某等同

旋左右出入宮闈盡誠敬於寸心守直庶於直道皆能介
然自處蔚有休聞念其歲月之勞被以寵章之美宜思奉
國未保宜家可依前件

授內官劉益謙加官制

薛廷珪

勅具官劉益謙惟爾參我樞近之務副我腹心之求允謂
才難克彰試可委任斯重端莊有聞冰清繩直潔已蒞事
數馬而對問樹不言稽爾秉持吾宥密是用升之峻級
實被崇班且疇職勞式示殊寵宜保優異勉勵始終敬慎
不愆必致遠大可依前件

授內官晏希伯加官階制

前人

勅內官晏希伯內外之任必惟其人遷擢之恩允屬試可

以爾南珪無玷東箭有筠山明見松雪之姿天靜從嵩嶺
之勢詩書內積儒雅外彰聞其恭勤可委事任階秩並進
瞻矚斯深勉服寵光往勵職業可

授內官張君翰等加官階制

前人

勅具官張君翰等守道立身執忠事任造次不違於善行
錙銖必本於彝典一作章藏器未伸彈冠待進吾今知爾愛
用加恩升階序而遷品秩擬壘沉而示恩澤唯爾居翰勉
於致身往服寵光匪懈夙夜可

授內官馬從朗加官階制

前人

勅設階陞所以示堂奧之嚴正品秩所以明躋陟之漸也
率由次第以序忠良苟當其人吾必與進爾從朗止水藏

鑒壹米孕清蹈禮樂以脩身賦詩書而養志夜親墀庶拱
辰之列宿分華曉遠見旒捧日之卿雲配潤動必中矩行
無越思歷試可觀序遷惟允九重華省三品崇階用酬爾
勞徃馭其責惟爾從朝服吾寵光立事檢身所宜匪懈可
授學士使却文愛將軍金紫光祿大夫制
勅國家設翰墨之林延髦碩之士

前人

以潤色鴻筆發揮王猷

妙選內官脩辭立誠者以與我言語侍從之臣朝夕遊處
膺是東掖實惟重難而其官文晏常夢綵毫亦吞文石富
有事業志於討論孔光之問樹不言石慶之數馬而對濯
濯春柳風標迥出於輩流落落長松節槩不移於霜霰

擢居密署言奉詞臣所為當材且聞稱職縻之好爵貴則
號其將軍峻以崇階勲莫重於光祿敬承寵渥徃蒞清華
率由此途以至崇達惟爾文晏得不勉之可

授內官劉重遇加階官制

闕

前人

授內官王可方加階官制

前人

勅出膺使命入奉宸嚴惟茲東求允屬心膂爾可方將命
而去成功以還別利器於盤錯之間驗絜矩於脂膏之際
試可斯驗愿吾愛之俾其序遷並謂至當徵還內省冠以
豐貂惟爾可方勉圖懿効可

授內官馬昌裔加官制

前人

勅昌裔參我樞機奉吾指顧能慎密以植志端莊而飭躬

文苑英華 卷一百一十五
動畏四知絜無貳過委吐斯久霜雪不渝職勞可酬序進
惟允升其階秩示以優宗爾往蒞之益敬其事罔懈砥礪
稱予渥恩可

授內官張禹珙加官制

前人

勅張禹珙本以端莊鎔之儒雅鵬鶚負橫秋之勢梗柝擢
精廈之材蘊是器能在予左右歷試事任丞涉光陰聞其
恪勤宜示優獎階級秩序俾之俱遷服我新恩保爾懿効
雖覆一簣古人有言爾宜知勉自勗率可

授內官孫昭裔加官制

前人

勅昭裔干鎔銛鋒騶逸步文之以禮樂飭之以詩書白
玉無瑕朱絃讓直我宸極察如華星慎爾樞機不對溫
樹歷試茲久其材益彰移之崇班加以峻級且旌優異用
激端脩敬念不同崇高可致惟爾昭裔知予意焉可

授內官劉繼明王思齊驍衛將軍加階制

李璣

勅朕每思中興深念庶政至於近密之任尤資忠謹之臣
凡所擢居莫非精選具官劉繼明等並介潔自持而器能
相比各於職掌並著聲名論功考績之時既無差異加寵
進階之日豈可偏私勉務殊榮更期超擢可依前件

授內官韓坤範等加恩制

前人

勅榮居近密任總重難居疑上之恩渥則殊而人臣之敬
息尤切其有端靜無失進退可稱而復以幹能彰於官業

名隨位進行與才兼不有異一作亦遷何示獎勸宣徽小馬坊使某潔矩操心温潤成器剛而不暴柔而不回宣徽舍光使某於誠明文以禮讓止而不滯行而不流起復宣徽南院副使某明見事情智通微妙而不耀晦而不幽皆調金王之聲並秀松筠之色至於績効實為著明嗚呼守職奉公爾既盡其節矣崇階厚祿吾豈利於印哉可依前件

授內官韓龜範加官制

前人

勅龜範代濟功勲志懷忠烈部領琛寶貢奉闕庭踰玉壘之艱越銅梁之險績効斯異爵賞宜加况奉職可謂歲深歲衆獨聞位下不有升陟何謂勸能可依前件

授內官董全珩等除諸司副使制前人詩四

勅董全珩等副貳之重其來尚矣雖古之列國小侯繼好一使猶尊命介以應事機况我大朝命官而中禁分職貴惟密邇務極繁難若不優以崇班何以責其所任以爾等並懷忠亮盛蘊器能名節不變於風霜勤勞仍彰於歲月况今方馳鴻霑合為升遷示以新恩雅符故事可依前件

冠邦族而婉嫕蘭儀蕙問式備言容習禮聞詩載兼圖史

文苑英華卷第四百一十九
命婦
國夫人
封姚崇妻鄭國夫人制
蘇頌
黃門兵部尚書兼紫微令監脩國史上柱國梁國公姚崇
妻榮陽郡夫人鄭氏榮河地緒簪組家聲輝相門以才淑
冠邦族而婉嫕蘭儀蕙問式備言容習禮聞詩載兼圖史
金彛作輔爰開土宇之封石窳承榮宜表珩璜之盛可封
鄭國夫人主者施行
封牛仙客妻王氏函國夫人制
孫逖
門下卿之內子實著於禮經國有舊章亦褒於淑德銀青

文苑英華卷第四百一十九

中書制誥四十

命婦

國夫人

封姚崇妻鄭國夫人制

蘇頌

鄭國夫人主者施行

封牛仙客妻王氏函國夫人制
孫逖

門下卿之內子實著於禮經國有舊章亦褒於淑德銀青

光祿大夫守工部尚書同中書門下三品持節朔州節度使度支營田鹽池押諸蕃部落副大使上柱國幽國公知門下省事牛仙客妻瑯琊郡夫人王氏道膺圖史言成箴誠賢明自遠柔惠兼資作配台臣能修壺教寵其車服已膺命婦之榮錫以山川更表從夫之貴可封幽國夫人主者施行

封李愬妻常氏魏國公夫人制 元禎

勅夫尊於朝婦貴於室由古道也安有邦君之妻而無湯沐之地乎况魏博等州節度使特進檢校左僕射同中書門下平章事涼國公李愬妻常氏德宗皇帝之外孫也筭年事愬克有令儀夫蔭雖高猶執婦道持其門戶使愬有

姻族之和奉其蘋蘩使愬有蒸嘗之絮愬當分閫之際無內顧之憂者由此婦也今愬積行累功以致爵位六遷重鎮名列上台而常氏猶限彛章未嘗開一作命國甚不稱也因愬大名之邦式建小君之號可封魏國夫人

封烏重胤妻張氏鄧國夫人制

勅古者夫為大夫則妻為命婦况在小君之位未加大國之封豈唯有廢徽章是無以集作抑亦無勸忠力也某官烏重

胤妻張氏以鳴鳩之德作合邦君輔成勲猷馴致爵位雖從夫貴未授國封今以南陽本邦善地錫為湯沐加號夫人茲乃殊榮足光閨闈可封鄧國夫人

封石雄妻索氏涼國夫人制 崔嘏

勅西川貴族南國華容代有功勲門多閥閥早以懿德媿
于元臣既推內輔之才頗蘊中閨之德是宜疏封表貴開
國旌賢蘭儀永配於金夫蕙問更光於石窹勉思健婦以
佐良人可封涼國夫人

中書侍郎同中書門下平章事陸宸妻渤海郡夫

人高氏進封燕國夫人制

錢珣

勅命婦之寵數有四而國邑居其首主爵郎舉職勅請必
有舊章因以勸焉朕何敢愛具官陸宸妻渤海郡夫人高
氏高國族大稱於古者久矣冠冕就列尚想前修閨室有
婦令聞令望一作門配君子而相敬承宗事以無違鏘然和
鳴信可偕老考祥之應已屬台臣守貴之謨方資內助主
爵之請孰云不宜他日中宮受朝則與伯婦俱至佩玉相
顧爾家盛哉非獨榮吾相之小君亦以勸天下從夫之道
也可依前件

內中齊國夫人扶風高陽郡夫人並封婕妤樂安

郡新秦郡廣陵郡太丘郡雲安郡五夫人並加

封秦晉楚越燕國夫人制

前人

勅朕既建中宮將聽內理法度方形於四德等威宜越於
九嬪齊國夫人某氏柔和有稟閑雅自持椒蘭讓薰環珮
爭潔近輦見欲辭之色攬衣懷必澣之心用是謙勤保我
恩澤重惟漢制遠采周官與名而大國重開錫號而舊章
復振勉脩懿範俾稱寵休共承陰教之端永輔長秋之盛

可依前件

封魏博節度使羅弘信妻越國夫人某氏進封燕

國夫人代州刺史傅瑤妻丘氏封吳興縣君等

制

前人

勅具官某妻越國夫人某氏等據地圖總兵籍處邦君之位與夫持使節頒化條當牧守之任者理軍為政皆執善經而褒寵之謨亦多內助女師稟訓夫族稱賢不違柔順之規且習閑和之性或功庸克備風法有承或環珮之音周旋可聽是宜增大名之國開初命之封亦所以榮外臣而勉內助也可依前件

朔西節度使錢鏐燕國夫人吳氏進封晉國夫人

制

前人

勅齊之壁司徒

左傳壁司徒主壘壁者

武力之臣也其妻有禮尚獲

錫地於君今師長萬夫提封千里內資淑媛助我勲侯國進大名是惟舊典具官錢鏐妻燕國夫人吳氏肅雍之美箴戒不忘聞雞鳴而致敬事姑諷鵲巢而思齊有德輔成功烈諒屬柔明爰舉寵章載加常等勉承膏澤以耀閨門可依前件

襄州節度使趙匡凝妻豫章郡君羅氏可進封燕

國夫人制

前人

勅隨夫之爵考禮有文冊勲既集於藩維流澤可榮於閨室一作壺具官趙匡凝妻豫章郡羅氏肅雍有美柔順不違

爰自和鳴克融懿範旁濟中權之盛實資內助之勞致我
良臣表于諸夏眷言淑德疏封未稱於宜家越被舊章用
典俾光於開國勉脩婦式無忽人倫可依前件

武昌軍節度使杜洪妻晉國夫人進封秦國夫人

制

前人

勅經夫婦之本者莫近於詩故宜爾室家言稱也如鼓瑟
琴言和也具官杜洪妻晉國夫人王氏贊洪守土宣力爰
致顯爵爾以嘉耦之道遂能居而有之助彼藩條賴茲閨
室宜室家而何媿鼓琴瑟以有聞仍命增封用旌柔順因
吾肆赦是謂典常可依前件

鳳翔節度使李茂貞妻秦國夫人劉氏進封岐國

夫人制

前人

勅封邑之制當列國甚貴矣其或舉茲重典進受大名俾
增伉儷之光以稱侯王之爵弘之在我宜者則行具官李
茂貞妻秦國夫人劉氏能脩懿範潛助元勳福雖盛而心
益恭封既大而勤不置內言必正同獎自多贊武幄之忠
謀保魚軒之寵數而茂貞宣力守土在岐以是加恩用彰
有禮必使事君之節相勉克終則不獨宜爾室家兼明報
國可依前件

楊行密妻朱氏進封燕國夫人制 薛廷珪

勅具官楊行密妻朱氏作嬪藩翰宜爾室家六姻以寧四
德具美俾我行密爲吾蓋臣統戎有方述職無怠繫爾輔

佐致之輯柔慶澤所加序進惟允全燕列壤大國疏封式
示寵榮以旌賢淑可進封燕國夫人

秦寧軍節度使葛從周母廣平郡太君宋氏進封

廣平郡太夫人制

錢珣

勅具官某母郡太君宋氏古者事親竭力而養樂於負米
信有其人今從周秩帶三公貴享十乘實賴嚴明之訓以
成忠信之名爾既承顏必盡無違之志吾方敦孝遂加有
典之勲一作榮可依前件

中書舍人苗深母瑯琊郡太君王氏封瑯琊郡太

夫人祠部郎中知制誥張文蔚母扶風郡太夫

人蘇氏封馮翊郡太夫人等制

劉崇望

勅具官苗深等母瑯琊郡太夫人王氏等本於仁原於禮
保於和處於順故圖史素學風法不衰立我彥臣率由貞
訓而識者服儒之道不使恣言加已以羞其親深與文蔚
有之矣乃子弟謹身之行履危懼辱之恩以承其志渙等
有之矣且皆賦祿於朝相戒以養俾榮報德當貴疏封慶
集而家教行吾國古之孝理不在茲乎可依前件

許州節度使王蘊母趙氏進封楚國太夫人制

李磻

勅古之爲將言有老母而三戰三北者朕每讀其書而非
之夫爲將者皆然則何以同在三之義勵士衆之心而迺
無勇非孝之譏哉苟如斯亦其母之未賢爾忠武軍節度

使王蘊方榮色養既孝而忠委以節旄遂稱名將賈勇而力過投石臨陣而義不聞金得非其母趙氏賢以善訓邪豈特築朱序之城寧陳嬰之族而已嘗錫以郡夫人之號今蘊功業益進爵位益隆宜加大國之封以助南陔之慶可依前件

郡夫人

進封賀蘭琬母楊氏弘農郡夫人制 蘇頌

門下太僕卿員外置同正員賀蘭琬母楊氏家臨桃塞門映蓮峰賦蕡實於周詩承累葉於台相言成箴戒淑慎其儀德憲圖史閑和其性正家貽則徙宅成規姻親載隆寵章猶闕宜比絳紗之學用膺青綬之命可封弘農郡夫人

主者施行

封劉悟妻馮氏長樂郡夫人制 白居易

勅古者有冊名命婦賜號夫人蓋積善於閨門而受封於國邑也澤潞節度使劉悟妻馮氏傳芳茂族作合良臣成此忠貞之功因於輔佐之力禮從夫貴慶叶家肥俾開大郡之封以正小君之命可封長樂郡夫人

封宋叔康妻房氏河東郡夫人制 杜牧

勅詩稱鵲巢禮榮翟第旣彰瓜不之効宜齊伉儷之榮左神策軍護軍中尉兼左坊功德使特進左領軍衛大將軍知內侍省事上柱國廣平縣開國侯食邑一千戶宋叔康妻清河縣君房氏懿慈柔淑作配忠勲能察蘋蘩克叶姻

族成此內則穆其壺風稱爲令人實光婦道爰疏封爵用
舉典章可服寵榮勉於輔佐可封河東郡夫人

封吐突士擘妻鴈門郡夫人制 前人

勅詩美夫人禮稱內子允膺腹心之任宜崇家室之榮予
箭軍器等使特進行右領軍衛大將軍知內侍省事上柱
國陰山縣開國公食邑一千五百戶吐突士擘妻咸陽縣
君田氏生於富貴作配忠貞柔婉自卑儀範可則職勤賓
祭道睦姻親旣諧閨門克成婦德爰加禮秩之貴以彰輔
佐之勤榮我疏封無忘內助可封鴈門郡夫人主者施行
翰林學士兵部侍郎盧說妻博陵郡君崔氏進封

博陵郡夫人制

錢翊

勅爲人之婦能從其爵以益貴者是必宜其家矣而階品
在三等之設有銀印青綬之崇則從爵之名所增益貴具
官盧說妻博陵郡君崔氏族大多聞多聞者風法性成不
易不易者柔和勉說代我之言必能恪居其職助於內者
足以彰焉是謂宜家可當用典展衣之飭不其盛哉可依
前件

郡君

泰寧軍節度使葛從周妻清河縣君張氏進封清

河郡君制

前人

勅具官葛從周妻清河縣君張氏生自良家配吾戎帥頗
能佑助克濟功名柔順睦親內則有聞於宗族溫恭近禮

外言不出於閨房既屬推恩是宜用典進之郡邑俾稱蕃
侯可依前件

太君

石門扈駕功臣六都指揮使檢校司空孫德威母

傳陵崔氏封傳陵縣 疑 太君制 劉崇望

勅具官某母崔氏夫為人者能以忠勇之謨勞于國戎旅
之權既重上公之秩仍高而母氏之封寵章未稱則於王
化有所不弘方屬推恩是宜用典以光孝養且厚勲臣可
依前件

縣君

封竇泮等母邑號制 貴胄具公宜 崔蝦

初古者男子生則射以桑弧蓬矢蓋取欲使有事天地四
方也及長而貴則光其六姻况堂高有親當室自立不有
嘉命曷彰今儀具官竇泮等母某氏或以衣冠胄胤或以
勲績緒餘皆知訓子之方早識從夫之義爰因濡澤各俾
增封式示恩榮用光閨闈可依前件

石門危巖... 檢校司空孫德威世
 太君制... 劉宗望
 勅具... 母崔氏夫為人者... 之謨勞于國戎旅
 能挂左示恩榮用光閭閻... 封寵章未稱則於于
 煥齋翁翁... 夫之妻受因... 各野
 嘉命... 令類具... 其六... 堂高... 當室自立不...
 古... 于... 以柔... 蓋知... 事天... 四

文苑英華卷第四百二十

翰林制詔一

赦書一

聖恩赦書

睿宗受禪制

蘇頌

門下天下神器非上聖無以運其機域中大業非元良無
 以固其本欽若靈命寅奉神宗屈已順人用安四海承繼
 主鬯實負萬國頃者家臻大憫在疚惟憂梟獍滿衢豺狼
 塞路武職戎政必任凶族國要時權咸升逆黨社稷之守
 但望包桑忠義之懷誰期艾棘階禍稔惡伺隙乘間煩言
 碎辭所不勝述皇太子隆基正氣凝姿端命毓德自家刑
 國英徽日甚移孝為忠雄謀電發北軍馳入掃撓捨於紫

徵南宮及正開日月於黃道平亂寧國翼戴朕躬一旅不
勞功逾復禹七德咸舉事邈與周聲應吹銅皇當歸璧今
司空讀冊侍中授璽實由立義豈曰尚親承華肇開元嗣
以建方流樂風之緒宜申游雷之澤朕爰初踐極喜氣呈
祥天人叶心象緯昭貺官名有紀年號用憑可大赦天下
睿宗受禪制
唐大詔令
作即位赦
門下朕聞自古帝王光膺圖錄則尊尊親親之義著于典
謨諒在至公蓋非獲已我大唐乘時撫運累聖重光當四
海之樂推受三靈之眷命大行皇帝奄棄寓縣痛結仇讐
朕志掃巨逆保寧嗣主今皇帝哀榮在疚託于朕躬勤懇
再三願成茲意朕以不德猥承丕緒念今追昔載感于懷

君涉大川罔知攸濟思荷宗祧之業屬此惟新式揚渙汗
之恩與之更始可大赦天下

開元皇帝受禪制

同前

門下繼明嗣德王者所以承天尊祖奉先聖人所以崇孝
敬上之禮著乎重華月朔之祠襲乎文命荷歟作頌發流
濬哲之祥清廟升歌思表配天之業歷選前載可得而言
我國家首出開元繼文膺統七代觀德至道洽於生人三
后在天垂裕光於後嗣太上皇帝道超寰表功軼帝先名
言不測於乾行仁智不知於日用累讓神器非以黃屋爲
尊俯膺大寶蓋爲蒼生屈志黎人於變淳化斯登載懷脫
屣疇咨菲薄竭讓德之志天眷莫迴陳拜一作非首之誠中

襟逾邈遂以寡昧祗踐宸居循顧繼庭載深寅畏爰撰初
吉躬展肅雍虔肆獻之儀申大號之典神保之饗斯洽介
福之道攸宣億兆同歡人祗同慶恭承聖訓申茲霽澤可
大赦天下

大中十三年十月九日嗣登寶位赦編制

門下朕聞龍之騰天漢也則必乘風雲鼓雷電以震詔令
非六合君之踐大寶也則必敷仁惠煥號令以煦萬方是
以地不問於幽遐事罔論於輕重洪聖興而皇渥溥德音
振而庶類蘇故愆咎咸除枯沉盡起斯皆前代令典國朝
成規委轡諒戒於惠奸疑命詔令始懷於布澤肆詔令予
寡德嗣續丕圖夙夜乾兢若俯泉谷永惟我高祖太宗之

艱難締構又惟我列聖之慈心儉統承恩所以克紹休明弘
濟億兆剗昨俗之弊清理化乂之源肇祥導和應天順物致
離心於率土知恭已以臨人爰申在宥之恩用洽惟新之
慶可大赦天下自大中十三年十月九日昧爽已前大辟
罪已下罪無輕重已發覺未發覺已結正未結正繫囚見
徒常赦所不免者咸赦除之惟犯十惡叛逆及故殺人官
典犯贓及持杖行劫並不在此限其故殺人者已傷未死
已死更生意欲殺傷偶免者並同已殺人法處分又刑
獄之內官吏用情推斷平因成冤獄無問有贓無贓不
在原免之限在降官量此經量移者更與量移其合復
資者五品以上中書門此與處分六品以下仍依常例

選集丁憂去任及在憂
又貶者服闋日亦與量移如有
親故在上都任經所司
以便與處分不必更待本州府

申請其別勅因責受降
正官及曾因忤累停免未經引

用者並與進一作改流配隸及別勅安置不問道俗及

已到未到者並與量移近處先已再經量移者仍並放還

流貶人中從元勅云雖逢恩赦不在量移之限或長流及

充百姓終身勿墜者並與中書門下量與收叙處分及量

移近處如已亡歿家口欲還及須歸葬者聽隨所在一無此字

便如緣葬事幼弱飢窮不能自濟者委所在長史量給棺

親優恤發遣坐累歲深加刑已衆累經赦令久未該恩用

弘開網之仁俾釋向隅之戚應元和末惡黨前後處斷人

數已多自今已後宜一切不問先有勅令追捕未獲者亦

更不復追獲應先關連上件配流人并家口等縱元勅云

長流充百姓雖逢恩赦不在量移及放還限者並與量移

近處如到流所經六載仍並放還如已亡歿家口欲還並

准前流人等例處分天德五城流人負罪素重元勅未經

十載不得放還今屬鴻恩頒令沾及宜減三年如年已滿

便放還如情愿便住者亦聽在降官及流人先有官者如

有亡歿各還本官亡官失爵痕累禁錮者並從洗滌唯自

今年八月九日已後此事流貶並不該此新恩之限營奉

園陵所資發未備慮其科率困撓黎元應緣山陵制及喪

儀禮物宜委中書門下及諸官之長講求故實必誠必信

務遵遺旨用副朕懷所採山陵用度近已出內庫及戶部
錢物克給應緣人夫功價宜各速令所司以不折估匹段
兼見錢分數支給不得令侵屈百姓山陵未畢情禮有異
其降誕進奉宜且權停志方思於遂物心匪樂於從禽止
備蒐畋所宜節減諸道進鷹鷄每年共許進二百聯仍選
擇堪處進奉餘悉放免貢獻無藝物力難充華靡不除時
風豈厚諸道節度觀察使除大例合貢獻外不得別有進
奉雕文刻鏤及異色綾錦難得寶貨一皆禁絕京畿賦役
頗繁河洛凋瘵亦甚欲其綜疑息當在蠲除京兆府今年
秋青苗錢宜每貫量放五百文所放錢如是府司占番色
日即奏部准舊例據數支填不得令有虛折其大中七年

已前百姓積欠兩稅斛斗及青苗權酒并稅草職田錢
棘等徵收不得空繫簿書亦並放免如在官典所由腹內
不在此限河南府今年秋青苗錢宜每貫量放三百文如
是府司占額錢數亦委戶部准例支填應人積欠府司及
度支部鹽鉄諸司大中七年已前諸色錢物斛斗銀錫草
等如身已逃亡及身在貧窮家業蕩盡頻經校料終無可
徵納者宜並放免如在主掌人吏所由腹內者不在此限
逋負年多徵攤力竭咸令已責庶可惠養度支戶部鹽鉄
三司應收管在城及在府州并諸色場鹽大中七年已前
欠負諸色錢物斛斗等除官典所由請領官錢和糴市及
在場官招商所由腹內外其餘人戶所欠錢物如身家已

亡歿或在貧窮家業蕩盡無可徵納并逃竄捕捉未獲因
繫妻男攤徵保人等如此之類虛掛簿書中無填納之日
宜并放免如聞後赦令蠲免放欠負所司不及時處分元
係簿書徒有蠲免之名却爲分外攪擾今所放錢物宜各
令本司差辦事官典據年額人戶姓名所欠錢物色目檢
勘便下文帳不得更起條樣勘逐所徵可放生事擾人仍
令所在場監院及州縣於要畧分明懸榜示人戶俾令知
悉仍仰所司各限月日處分訖具所放錢物單數分析聞
奏災沴流行黎民困窘免其租稅漸冀輯寧諸道州府有
遭水損甚處其今年各納苗稅錢等委長吏酌量蠲放如
大中十二年已前欠負兩稅米在百姓腹內徵收不上者

亦宜特放其實遭災沴處仍具折聞奏聞抱器逢時諒恩
展用卑棲跡能不懷嗟如聞中外官僚或有滯屈雖限
以員闕致此因循而念其考歷孰非勤舊宜可書門下各
量才分漸與選改廣我四聰在於多士才弘景化思拜昌
言諸色人若上封事極言時政得失有官司者官吏長收
狀聞奏無祿位者任自投匭進狀當必親覽湏務體國公
言不得用情謗訕每想候封歲思於荒稔莫非玉土物合
通其有無諸道州府閉糴禁錢頗爲弊事前後赦勅累有
條具尚恐因循依前壅塞宜委出使即官御史切嘉察訪
如有違越即具奏聞叛徒相扇旣已翦除屬類潛逃宜從
寬宥湖南江西嶺南宣歙等處去年所遭狂寇擾亂尚恐

軍人百姓至今未安如先有為患一作惡者關連親族或逃

竄尚未復歸今一切不問仍各委本道長吏分明曉諭切

加招誘安存勿令疑懼如百姓曾經被賊俘劫錢物官與

收獲得者仰分明勘認本主給還勿使曖昧欺隱仍具分

折聞奏如聞京城內富饒之徒不守公法厚利放債損陷

飢貧前後累有勅文約勒非不丁寧無良者都不遵守致

貧乏之人日受其弊宜令京兆府准寶歷三年四月二十

日及開成二年八月二日勅文切加提舉曉諭嚴切約勒

處分凶險之輩情狀難容如聞將吏傭保奴僕之徒或因

愆過發遣之後輒生怨謗拮拾本使及即主細微之事意

在僥求苟無所得便成恐脅或閹投無主文字或擅進文狀

此若不絕交害平人自今已後宜準律文及大中二年九

月十日及大中六年八月二日勅便於當處焚燒所由不

得收領及與聞奏其擅進文狀宜勘責重加料賊如所由

固違勅文不焚燒所投文書尚敢將出當與告訴者同罪

其容修文狀挾奸蠹者委臺府及諸軍諸使切加訪察如

有此色便捉獲送府縣推問須令痛懲天下州郡於所公

用之餘收糴年谷自備水旱以救疲人賑絕及時免待奏

請探聞惠物頗謂通規今年正月一日赦文但令不別置

倉廬煩別差官吏主當所以令寄常平義倉任自分別支

用如聞所在州郡未能盡諭詔旨哀入常平義倉縱遇年

豐不務糴歛謬為廢閣切在舉明令所在州郡細詳今年

正月一日赦條處分其刺史去任日仍委本道觀察使便
以在任日所收貯斛斗多少支數以為考課言念士子祿
以代耕選人例迫飢寒遠赴調集頻年被駐情實可矜宜
令吏部准今年正月一日赦文處分廣敬坤儀當舉推恩
之典垂仁盤石在霑霑澤之榮太皇太后及元昭皇太后
第二等以上親委中書門下量才叙用大長公主嗣王各
與一子出身九廟子孫陪位者普恩之外各加兩階無官
者各賜勳兩轉仍據使主封後與一人出身委宗正司鄉
檢詳圖譜一房最沉翳者充數具名奏聞宗子中有行義
可稱才幹足用者亦委搜採一作擇具名銜事狀送中書門
下量才叙用內文武見在及致仕官三品已上賜爵一級

四品以下加一階仍賜勳兩轉應入三品欠一考未足者
考足日聽叙致仕官量與改轉依前致仕彌譜萬物鎮靖
四方泊于文武具寮咸宣忠力並稟義方之訓宜推錫賚
之恩追飾寵光式彰孝理中書門下及諸道節度使帶平
章事祖父母亡歿未經追贈者并與追贈已經追贈者更
與改贈東都留守諸州府長官在京及分司常叅官神策
衛金吾六軍統軍將軍四衛十二衛將軍威遠營鎮國軍
等使父母亡歿未經追贈者並與追贈品秩已崇請迴贈
祖父母者亦聽父在無官者量與致仕官父歿母存量與已有
邑號者量與進改竭力扶危捨生取義不旌後嗣局表遺
忠故尚父汾陽王贈太師晟贈太尉秀實子孫中各與一

人正員官張巡許遠南霽雲顏真卿果卿子孫中各與一人出身祇奉典冊誠禮無違宜被優恩以酌厥効即位日攝太尉奏詞中書令讀冊侍中進寶承旨宣制奏外辦禮畢各與一子正員七品官奉寶書綬讀冊及書玉冊官各特加一階書寶押寶授舉昇寶冊官溥恩之外加兩階合選人減一選其餘應職掌人行事及寫制令太常條選儀注等官三品已上更賜爵一級四品加階仍賜勳兩轉中書門下儀制官內侍省內教各持加一階鑄造玉冊並填金字造寶裝寶冊人等各賜物五十段承顧命撰制冊文及寫制官並已有昇其餘自八月九日至十三日諸寫制諸官各加二階大明宮晉守及緣國慶告郊廟太清宮行

事官三品已上賜爵一級四品以下加一階應緣宗冊太皇太后及追謚元昭皇后冊禮職掌行事官及鑄造冊寶填金字人等節級賜物周詩歌白馬之客魯國闡素王之風尚德崇儒宜旌胄裔二王三恪文宣王子孫各與一子出身藩邸臣寮誠勤久著各加優獎用示恩榮鄆王府官今年八月九日已前在任者五品以上並與進改六品以下所司非時與分派外番考已足未足並放入流內侍省及鄆王府官三品已上賜爵一級四品已下加一階五品以下賜勳兩轉八月九日至十三日北內當上及從駕者四品以下溥恩之外賜爵一級五品以下更加一階自身更賜勳兩轉神策六軍金吾威遠皇城將士三品以上賜

爵一級四品以下加一階仍並賜勳兩轉馳奉章奏分居職役冊勳進級甄彼勤勞諸道進奏官及緣國慶奏表到京者溥恩之外各加一階仍賜勳兩轉翰林侍詔并諸色直長及供奉人等三品以上賜爵一級四品以下加一階無階者賜勳兩轉飛龍閑廐宮苑典引掌扇內園總監接少府將作中尚書武德軍器內外弓箭庫等諸使下白身及無品直司定額長者雜匠巧兒黃衣長上監門直長雜仗二衛七色引執駕細引執扇角手挈瀆騎武士天文觀生歷生漏生典鼓工人樂人主膳主酪典食手宰手掌閑幕士駕士御醫工獸醫門僕藥童御書手流外行署等賜勳兩轉宿陳仗衛師旅有勞委質蕃方偏裨著效咸加

獎資庶給恩榮應赴御樓立仗神策六軍金吾威遠等城等將士宜准舊制量賜錢帛其神策軍應在內鎮將亦各賜物有差應諸道將校三品以上賜一級四品以下加一階無階賜勳兩轉遠人慕義上國貢獻將表懷柔俾霑寵錫鴻臚禮賓院蕃客等各賜物有差禮經重於閭年宜加廩餼王化存於勸善用激里閭天下耆老八十已上者各賜絹兩疋粟二石九十以上各賜絹三疋粟米五石並以上供錢常平義倉粟充給仍令長親致縣度宣詔頒賜不得委人吏致有欺隱其九十以上者仍加板授孝子順孫義夫節婦旌表門閭終身勿事先有旌表者準耆老例優賜除獎安人由於制命寢而不用致理良難大中

以來頗有赦令有司廢閣多不遵行宜委中書門下檢尋
提舉有便於人者次第施行或有事理未盡不便於人者
仍委中書門下及所在長吏條具聞奏其法詳斷刑獄今
年正月一日赦書已有條具處分仍本司切加提舉遵守
施行不得輒有隳紊峻極靈長効祥興利俾申祀典以達
明誠五嶽四瀆名山大川各委本道長吏以禮致祭亡命
山澤挾藏軍器百日不首服罪如初赦書有所不該載者
所司明作條具聞奏敢以赦前事相告言者以其罪罪之
赦書日行五百里布告遐邇咸使聞知主者施行

